



सानसेयारि "बड'सा" खरीरालाइयाव  
समाज्यादि जिज्जो लोब्बा थानाय रायथाय, खन्थाय,  
सल', सल'बाथा आरु बावबायारि थावनि, पार्क  
बाइदिनि स्यायाव लिहनाय लिहबिबां वैशाय डर/  
सानसेयारि "बड'सा" खरीरालाइया खेबखानावै  
फोसावगोब।  
बड'सायाव लिहनायनि हुबा खालाम,  
"बड'सा" खरी नोथि, जो बयबो आंगो खालाम।  
सानसेयारि बड'सा मावखुलि  
माइबं नोगोर, जोहोलाव दैमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Thursday ★ 8 February, 2024 Kokrajhar, BTC, Assam ★ Vol.-33, Issue No. 310 ★ R.N.I. Regd.No. 40994/91, Assam Govt. Regd.No.IPRD.40/2006/3, ★ Rs.8/-



चापरआव लामानि  
जाब्रबथायाव सासे  
पुलिस बिबानगिरिनि  
जोखोम

चापर, 7 फेब्रुवारी: चापर हाथयनि गेजेराव थानाय 17 नं माहारियारि राजा लामायाव दिने सोमजिनाय मोनसे लामानि जाब्रबथायाव चापर पुलिस थानानि बिबानगिरि दिपज्यति इतिआ गोब्राबै जोखोम जायो। मख'नो गोनांदि, दिने सानजौफुनि 1.30 रिंगायाव चापर पुलिसआ हाथायाव गारि-मटरनि फोरमान बिलाइ (□ 5 बिलाइआव)

खारिजा बिजनीआव  
डाक बिफाननि  
मावफारियाआ गोमादों



श्वानिपुर, 7 फेब्रुवारी: बाक्सा जिल्लानि सालबारि महकुमानि सिडाव थानाय खारिजा बिजनीनि लाबदांगुरिनिफ्राय पस्ट अफिसनि सासे मावफारियाआ थानाय सानथामनिफ्रायनो गोमानाने थानाय जाथाया ओन्सोलनि राइजो-राजाफोरनि गेजेराव सोमोनांनाय सोमजिहोदों। (□ 5 बिलाइआव)

धेमाजिनि कारें सापरिआव 9थि मिचिं लाइमोन फोर्बो खुंदों  
मिचिं इयुथ फेरिस्टभेल खुंनो थाखाय गिबि  
मन्थिआ बोसोरआव 1 कौटि रां फोसावबाय

दिसपुर, 7 फेब्रुवारी: धेमाजि जिल्लानि बगिबोल दालानि साखाथि कारें सापरिआव दिने 9थि मिचिं इयुथ फेरिस्टभेल खुंनय जादों। बे फोर्बोआव आसामनि गिबि मन्थि उ हिमन्त बिश्व शर्माआ गाहाइ आलासि महैर बाहागो लाहेंदों। हाबाफारियाव गाहाइ आलासि महैर बाहागो लानाने गिबि मन्थि शर्माआ बुंदोंदि, मिचिं हरिआ आसामनि गोदो-गोदायनि नंगुबै थागिबि हारि-हारिसाफोरनि गेजेराव मोनसे हारि। आसामआव फैनाने मिचिं हरिआ (□ 5 बिलाइआव)



आसामआव बावैसोनि  
गेजेरावो इडनिफर्म सिभिल  
कड बाहायसिगोन

गुवाहाटी, 7 फेब्रुवारी: गुबुन गुबुन राइज्योफोरव बाहायनो लानाय बायदिनो आसामआवबो बावैसोनि गेजेरावो इडनिफर्म सिभिल कडखों बाहायनो लानाय जासिगोन। सोलिफु बिधान सभा जथुम्मायाव इडिसिसिनि बिल थिसन्यायनि बाध्ना। मख'नो गोनांदि उत्तराखान्डनि उरनि आसामआवबो इडनिफर्म सिभिल कडखों बाहायनाय जासिगोन। बेजों लोगोसे राइज्योआ इडिसिसि बाहायनाय नैथि राइज्यो जासिगोन। सोलिफु बे जथुमयावबो खेबले-खेबले जुलि होबथा आइनखोंबो थिसन्यायनि बाध्ना। फेगो 10 फेब्रुवारीयाव केबिनेट जथुमनि गेजेरजों इडिसिसि बिलनि थांखि (□ 5 बिलाइआव)

राइज्यो सभायाव राहुलरवो गोर्बो  
रावजों गाग्लोबदों गाहाइ मन्थिआ  
युबराजखौ स्टार्टआप महरै गनायदोंमोन,  
नाथाय बिथाडा नन-स्टार्टर जालांबाय

गोदान दिल्ली, 7 फेब्रुवारी: 'युबराजखौ स्टार्टआप महरै गनायदोंमोन, नाथाय बिथाडा नन-स्टार्टर जालांबाय।' राइज्यो सभायाव राहुल गान्धीखौ सोंखारिनाने बे बाध्नाखों बुडो गाहाइ मन्थि मदिया। बिथाडा बुडो, मोनसे नख'रनि गोबांथार सोद्रोमाफोरा गावनि गोहोजों राजखाथिखौ दैदेनलाडोब्ला,



बर'नि राफोद मिउजिक  
एरेन्जार आरो हारिमु  
सिबियारि तपेशवर दैमारिनि  
जिर गोमानायाव बिसिएएआ  
दुखु फोरमायदों



कक्राझार, 7 फेब्रुवारी: बर' हारिमुनि सासे राफोद मिउजिक एरेन्जार आरो हारिमु सिबियारि उदालगुरि आयदाफोरनि सायाव

कक्राझारआव जथुम्मा 3.0  
लाइमोन कनक्लेभया खुंफुंजाबाय

कक्राझार, 7 फेब्रुवारी: बिटिआरनि राजथावनि नोगोर कक्राझारनि सोनाब फासे थानाय बिनेशवर बहा इन्जिनियारि कलेजनि अडिट'रियाम हलआव सानब्रेनि हाबाफारिजों खुंफुंजाय जथुम्मा 3.0 मुनि मोनसे लाइमोन कनक्लेभया दिने जोबलांबाय। बे जथुम्माखौ थानाय 4 फेब्रुवारीनिफ्राय जागायानाने 7 फेब्रुवारीसिम लाइमोनफोरनि गोबांथार आयदाफोरनि सायाव



सावरायनाय हाबाफारिजों खुंनाय जादों। जर'खायै बे हाबाफारियाव लाइमोनफोरनि गावसुंथा राहा इन्प्रेनासिप, लाइमोन समाज,

लाइमोनफोरनि थाना थानायनि राहा लामा, लाइमोन गोहो आयदाफोरनि सायाव सावराय (□ 5 बिलाइआव)

गगामुखआव लुफुंथाय रोंग 'थि फोरोंथाय  
मिरुखौ गिबि मन्थिआ बेखेवबाय

राइज्यो लाइमोन जोलैनि रोंग 'थि फोजौखांनो थाखाय  
राइज्यो सरकारा थांखि लादों: गिबि मन्थि

दिसपुर, 7 फेब्रुवारी: गिबि मन्थि उ हिमन्त बिश्व शर्माआ दिने धेमाजि जिल्लानि ग'गामुखआव लुफुंथाय रोंग 'थि फोरोंथाय मिरुखौ बेखेवनाने होयो। आसाम नख'र आरो गुबुन लुफुंथाय मावफारिया आन्सा आफादनि रेजिस्ट्रेसन गों लुफुंथाय मावफारिया आरो



बिसोरनि नख'रनि सोद्रोमाफोरनि थाखाय बे फोरोंथाय मिरुखौ लुनाय जादों। मख'नो गोनांदि, आसाम सरकार आरो एल एन्ड टिनि मोनसे जुथाय थांखिनि बाहागो महैर धेमाजिनि ग'गामुखआव लुनाय रोंग 'थि फोरोंथाय मिरु (□ 5 बिलाइआव)

गं 10 फरायसालिनि सा 26  
आदार संग्राफोरनि गेजेराव संनाय-  
खावनाय बादायलायनाय खुंदों



कलाइगाव, 7 फेब्रुवारी: उदालगुरि जिल्लानि खैरबारि सोल्लोंथाइ खोन्देनि सिडाव थानाय भलाबारि मन्दल फुंखा मिरुआव गं 10 फरायसालिनि सा 26 आदार संग्राफोरनि गेजेराव संनाय-खावनाय बादायलायनाय हाबाफारि खुंनाय जायो। मख'नो गोनांदि, फरायसालिफोरनि संग्राफोरा गुबुन (□ 5 बिलाइआव)

कक्राझारआव बनसुनि नैथि गायसन्थाय सान फालिदों  
जेब्लासिम बड'लेण्ड मोना अब्लासिम सोमावसारगोन: बनसु

कक्राझार, 7 फेब्रुवारी: दिने 7 फेब्रुवारी। दिनेनि सानावबो बडलेण्ड माहारियारि फरायसा आफाद बनसुआ जोनोम मोन्दोंमोन। बे बादिनो फरायसा आफाद बनसुआ दिने सानसेनि हाबाफारिजों कक्राझार सहरनि मिजिं नोगोराव थानाय मिरु आफादनि मावखुलि एबा जांखिथाय देरायाव नैथि गायसन्थाय सान फालिनाय जायो। हाबाफारि बादिथै



फुं'बिलियाव आफादनि आफादगिरि बन्जित मन्जिल बसुमवारिआ बनसुनि फिरफिलाखौ बिरहोनाय लोगो-

लोगोनो कक्राझार, चिचं, बाक्सा, तामुलपुर आरो उदालगुरि जिल्लानि आफादगिरिफोरबो आफादनि फिरफिला बिरहोयो।

महैर हंखायहरजानाय पयसि उ मंगलसिंह हाज'वारी आरो बड'लेण्ड जनजाति सुरक्षा मन्चनि मावफुं आफादगिरि दावराव देखेब नाजरीआ। गुबुन फासैथि, जेब्लासिम बड'लेण्ड मोना अब्लासिम सोमावसारनाया सोलिबाय थागोन होना खौंरं बिजोनि सिगाडाव रोखा फोरमायनाने बनसुनि गाहाइ नेहाथारि उ (□ 5 बिलाइआव)

बोथोर बिफाननि सांग्रांथि, आसामनि दर 10 जिल्लायाव गोखों अखा हागोन  
गुवाहाटी, 7 फेब्रुवारी: गुवाहाटीयाव थानाय बरझार ओन्सोलयारि बोथोर बिगियान मिरुआ फेगो सानथाम-सानब्रेनि गेजेराव राइज्योयाव गोखों अखा हागोन होन्नाने सांग्रांथि फोसावदों। ओन्सोलयारि बोथोर बिफानआ दिने धेमाजि, चराशेदे, तिनिसुकिया, डिमा हाछाव, डिब्रुगड आरो शनितपुर जिल्लायाव गोमो गाबनि (□ 5 बिलाइआव)

## सुजुगिरिनि खोलोम

### गोगी मिथिंगा लाखिनाय

आथिखाल बुहुम बिखानि बारहावाया जॉनि सोरगिदिं हासारीखौं गुबुंले खालामनो लानायनि गुबुं जाहोनखौं हाप्रा-बंग्रा जोबसांनय, दैमा-दैसा, बिलो-निजिराफोराव गोगो आरो आबुं दै गैयें जालांनय, जेरावबो-जैरैबो गेसाव-गोफोन, जाबोर-जोथोरजो बुंफबनो हमनाय आरो गारि-मथर, उद्यग-कारखानानिफ्राय ऑखारनाय उखुन्दै-गेस आरिजो बिदुं बांबोनयफोरानो सुबुं देहानि थाखाय खहा गोनां जालांदो होनानै मिबधि मोन्नाय जायो।

बेफोर खैफोदनिफ्राय रैखा मोन्नो हानायनि थाखाय बुहुमनाडै बोसोरफ्रोमबो गोगो मिथिंगा आरो आआबहावा दानो थाखाय बाइदिसिना सान फालिनाय नुनो मोन्नाय जायो। जॉनि हादतआवबो आबहावा गोगो लाखिनाय आरो सोमखोर मिथिंगा लाखिनायनि गोनांथि होनाय जायो सुबुंफोरखौं सांग्राथियाव लाबोनो।

बोसोरफ्रोमबो बुहुमनि गुबुन गुबुन हादत, दाब दाब ओन्सोलफोराव आबहावा गुबुनाय आरो बिदुं बांबोनयनि बिजाउनजो आथिखालनि समाव बाइदिसिना मिथिंगायारि अलखद सोमजिनायखौं गोबाडै-नो नुनो मोन्नाय जायो। मिथिंगा बिखया गुबुंले जालांनयनि थाखायनो जॉनि आबहावाबो जोबोरै-नो गुबुंले जालांनो हमनायखौं नुनो मोन्नाय जायो। मानोना बुहुमनि सोरगिदिं थानाय रोजोब हाप्रा-बंग्रा, बिफां-लाइफाफोरा लासै लासै लांदां जालांनो हमनायाव सिगांनि बादि अखा-बांखा हानाया बाडय जालांनो हमबाय, एखनब्ला गोखौं आरो अबथिरा अखा हानानै दै बाना जानाय, सम सम अखा गैयें खरां बोथोर जानायखौंबो नुनो मोन्नाय जायो। उद्यग-कारखाना, मतर -गारिनि उखुन्दै, सोदोबफ्रा सानफा एफा बांबोनो हमनायनि थाखायबो बुहुम बिखानि बारहा गुबुंले जाबोनो हमदों आरो जॉनि सोरगिदिं थानाय आबहावाया सुबुं देहानि थाखाय बिष गोनां जालांनो हमनाय जौं मिबधि मोनो। जाउनवा बाइदिसिना लोमजा-साजा, बेराम -आजार जानायफोरबो सानफा-एफा बांलांनो हमनाय नुनो मोन्नाय जायो।

सुबुंफोर सानफ्रोमबो बाहायग्रा प्लाष्टिक हारिनि मना, टडा बाहायखोन्दाफ्राबो जॉनि आबहावाखौं गुबुंले खालामनायाव मैखोम हेफाजाब होदो होनानै सान्नाय जायो। बेफोर बेसादजोबो जॉनि बुहुम बिखाया गुबुंले जालांनो लामा मोन्दो।

बेखायनो मिथिंगा बिखानि बार, दै, हवा गासैखौंबो गोगो आरो थाजिम लाखिनो सुबुंफोरानो अराय सम नाजानांगोन।

## दिनैनि फान्जामुधि

राशि बाइदियै मुंनि गिबि हांखो  
 मेष : अल वृष : ऊब (उ ए इ) मिथुन : क छ (ड घ)  
 कर्कट : ड ह सिंह : म ट कन्या : प ट (ण ष)  
 तुला : तर बुश्चक : बन धनु : ध ध (ढ फ)  
 मकर : ख ज कुम्भ : ग श (स) मीन : द च (ख ज झ)

**मेघ:** बेफार फालांगि मावनायाव मुलाम्फा मोन्नो हागोन। बे राशिनि थाखाय गाहाम सान।  
**वृष:** सोरजोबा सोमोन्दो नागरालायनाय जानो हागौ। गोसो हमथानानै थानांगोन।  
**मिथुन:** जेखि मावा जौगानायखौं मोन्नो हागोन। फारफ्रोमथिबो मोजां।  
**कर्कट:** सोरजोबाफोर दावराव-दावसि जाबाय बायनो हागौ। सोमोन्दो गावसालायनाय जानो हागौ।  
**सिंह:** जेखि बादाया देरहासार जानो हागोन। गोजोन्नायखौं मोन्नो हागोन। मोजां सान।  
**कन्या:** देहा-सावसिआ मोजाडै थानाय नड। गोसो हमथानानै सोलिनांगोन।  
**तुला:** मानिबा थाखाय रां खरसा खालामनांनो हागौ। सांग्रां जानांगोन।  
**बुश्चक:** रावबो मोनथियै गोसो सिडव खामानिखौं मावनानै लानो हागोन सांग्रां जानांगोन।  
**धनु:** दिनैनि दिनआव खरस्ट मोन्नाय खामानि मावनानो हागौ। गोसोखौं हमथा।  
**मकर:** बिसि-फिसायनि गेजेराव सुखुआ फैगोन। नख र संसारआ जौगानाय फैगोन।  
**कुम्भ:** मानिबा जाहोननि थाखाय गोसोखौं शान्ति गैयें मोन्नो हागौ। धैज्य हमनाया मोजां।  
**मीन:** जेरावबो-जैरैबो देरहासार जानो हागोन। गोजोनै सम बारहोनो हागोन।

## हरदा पटका फेक्टोरियाव बेरफ्रुनाय जाथायजो गोबां खहा जादो

गोदान दिल्ली, 7 फेब्रुवारी : मध्य प्रदेशनि हरदायाव थानाय मगरधा रड सेराव बानायनाय पटका फेक्टोरियाव गोखोडै बेरफ्रुनाय जाथाय सोमजियो। बे बेरफ्रुनाया ओरैबायदि गोखोमोन, जायनि जाहोनाव फेक्टोरियाव अर नानो हमो। बे जाथायाव दासिमाव सा 12 सुबुंफोरनि जिउ गोमाखांबाय आरो सा 170 निखुड बांसिन जोखोम जानायफोरखौं आलादा आलादा देहा फाहामसालिफोरव फाहामथाइ होगासिनो दडा। बे फेक्टोरियाव बेरफ्रुनाय जाथायनि सानसे उनाव नुजाथिनाय सावगारिफोरखौं नुयोब्ला बे बेरफ्रुनाय जाथाया बेसेबां गोखो बेखौ हमदानो हागोन। हरदानि पटका फेक्टोरियाव जानाय जात्रवथायाव गंसे कारआ आबुडै खामनानै सेव हांगार जायो। बे जाथायनि अलखदआव गोखौंलानै ओन्सोलाव थानाय थाइजौनि बिफांआबो रैखा मोनाखै, जाय बेरफ्रुनाय जाथायजो आबुडै खामनानै गोरान जायो। फेक्टोरिनि



खाथियाव थानाय आबाद फोथाराव बायखोन्दा थुखाफोरखौं गोखौंलानै थानाय नुनो मोन्दो। बेयाव थिनि बायखोन्दा थुखा, लहानि रडजो लोगोसे फेक्ट्री सिनि गुबुन मुवा-बेसादफोरा गोखौंलानै थादो। बे जाथायाव गंसे बाइकआबो सिलिंखार जायो। फेक्ट्रीजो नांजाबनाय गमनि आबाद फोथारा मोनसे बायखोन्दा थुखायाव सोलायो। सुलुडव फोरमायनाय बायदिब्ला, फेक्ट्रीनि पिकआप गारियाव बारुदफोरखौं दिखंदोमोन, जाय बे ओन्सोलाव जोबसांनय सोमजियो। पटका फेक्टोरियाव बेरफ्रुनायनि जाहोनाव थिं,

## बिसायख थिनि सानसे सिगां पाकिस्तानाव बमा बेरफ्रुनायाव सा 8 सुबुंनि जिउ खहा



गोदान दिल्ली, 7 फेब्रुवारी: पाकिस्तानाव 8 फेब्रुवारियाव जानो गोनां सरसनस्त्रा बिसायख थिनि सिगां फिन खेबसेबाव बमा बेरफ्रुदो। बे बेरफ्रुनाया बिसायख थिनि सानसे सिगां बलुचिस्तानआव जादो। खौरां एजेन्सि रयटर्सनि बायदिब्ला, बलुचिस्तानआव मोनसे राजखान्थियारि दोलोनि मावख 'खौं नोजोर होनाय जादो। बेयाव सा 8 सुबुंनि जिउ खहा जानायनि खौरां मोन्दो। खौरां एजेन्सि रयटर्सनि बायदिब्ला, बलुचिस्तानआव मोनसे राजखान्थियारि दोलोनि मावख 'खौं नोजोर होनाय जादो। बेयाव सा 8 सुबुंनि जिउ खहा जानायनि खौरां मोन्नाय जादो। मावख 'आरिफोरा बुंदोदि, बेरफ्रुनाया बुधबाराव पाकिस्ताननि बलुचिस्तान राइज्योआव मोनसे राजखान्थि दोलोनि मावख 'नि बायजोआव जादो। बे समाव पार्टीनि मावथिफोरा दंमोन। लेडड कमिसनार जुम्मा दाद खानआ बुंदोदि, बलुचिस्ताननि पिशिन जिल्लानि नकान्डी ओनसोलाव बिजाथिनि मावख 'आव बेरफ्रुनायाव सा 8 सुबुंफोर थैदो। बेनि सिगां पाकिस्ताननि डेरा इस्माइल खानआव गाग्लोबनाय जादो। बेवहाय मोनसे पुलिस थानायाव उदखारिफोरनि गाग्लोबनायाव सा 10 पुलिसफोरा जिउ गोमादोमोन। गाग्लोबनाया हर गेजेरनि उनाव जादो जेब्ला बांसिन पुलिसफोरा उन्दुगासिनो दंमोन। उन्दुनाय पुलिसफोरखौं गाग्लोबनाय समाव फिन साजा होनायनि जेबो थि खबु मोनाखैमोन। बावैसो सानफोराव पाकिस्तानाव गले-गले उदखारि गाग्लोबनाय जाबाय थादो। दिदोमथि गैयें पाकिस्ताननि गेजेरारि सरकार बिसोरखौं होबथानो हायाखै। सरसनस्त्रा बिसायख थिनि सिगां उदखारिफोरनि गाग्लोबनायाव सा 10 पुलिसफोरा जिउ गोमादोमोन। बे समावनो सा 6 गुबुन सुबुंफोरा जोखोम जायो। जोखोम जानायफोरखौं डेरा इस्माइल खान देहा फाहामसालियाव थिसननाय जाबाय।

## तामिलनाडुआव लकसभा बिसायख थिनि सिगां राजखान्थियारि हिंसा-हिंसिया जागायजेन्दो, गोबां दैदेनगिरिफोरा बिजेपिआव हाबदो

गोदान दिल्ली, 7 फेब्रुवारी: सोलिफु बोसोराव जानो गोनां लकसभा बिसायख थिनि जाहोनाव राजखान्थियारि करिडरफोराव सोमावसारनाय जादो। तामिलनाडुआव बेरेखा दोलोनि गोबां दैदेनगिरिफोरा बिजेपिआव हाबगासिनो दं। जुदि बिसोरनि गेजेराव रावबो तामिलनाडुनि राजखान्थिनि गिदिर मोखां नड नाथाय बे हाबनायनिफ्राय खौरांआ रोखादि, आथिखालाव बिजेपिआ दैदेनगिरिफोरनि गेजेराव गनायजाथाव दोलो जागासिनो दं। लकसभा बिसायख थि 2024 नि थाखाय थियारिफोरा गोखोडै सोलिगासिनो दं। बेनि गेजेराव, 5 फेब्रुवारियाव तामिलनाडुनि चेन्नाइआव बिजेपिनि बिसायख थि मावख ' बेखेवनाय जादो। जायनि समाव तामिलनाडु बिजेपिनि आफादगिरि के. अन्नामलाइआ



बुंदोदि, 2024 माइथायनि लकसभा बिसायख थिया जारिमिनारि जागोन। बेयो 2024 माइथायाव मदिनि जानानै मोनसे भट जागोन। तामिलनाडुनि सुबुंफोरहा पार्टीनि फारसे फोथायथि दं। गुबुन गुबुन दोलो आरो केडारफोरनि सुबुंफोरा दावबायनायाव जोजो लोगो जादो आरो बिथांमोनहा फोथायोदि, बे बिसायख थिया मोनसे दोलोनि बिसायख थि नड नाथाय मोनसे गिदिर बिसायख थि जाहैगोन।

## गवानि गिबि मन्थिया जेनायाव गोलैदो

पणजी, 7 फेब्रुवारी : कंग्रेसआ सरकार बिबानगिरिफोरखौं गोब्राबै दानथारनो हुमख होनायनि केसआव गवानि हारिमु मन्थि गबिन्द गौडेनि हंथायै पुलिसनियाव केस थिसनो। गवा राइज्यो कंग्रेस कमिटिनि आदिबासि सेलनि आफादगिरि राम कृष्ण जालमिया गवानि अजद दिखानायाव बुंदोदि, गवानि हारिमु मन्थि आरो ट्राइबेल जौगाखां बिफाननि बिथोनगिरिनि गेजेराव गोब्राबै सावरायनायनि मोनसे भिडिअ क्लिक जायखौं गवायाव गुबुन गुबुन मिडिया फ्लेटफर्मआव आपलड खालामदो। बेयो जर'खायै अलखदखौं फोरमायना होदो। समाजनि लोरबां थाखोखौं साफ्रोमबो बिजेपिनि मुगैनाया गवा राइज्योनि एससि/एससि आयगनि आफादगिरिखौं बुथारनो खेसार सानाय महरें नुजाथिदो। बेनि अनगायै बियो गोमोथाव बाभ्रादि, गिबि मन्थि आरो बिजेपिनि देरसिन दैदेनगिरिखौं बुथारनोबो खेसार सागासिनो दड। बे



थासारिफोराव जॉनियाव आथिखालाव केस थिसननायनि अनगायै जेबो गुबुन राहा गैलिया आरो आथिखालनि केस थिसननाय बायदियै भारतयारि कडअफ कन्डाकनि गेजेरजो आर्टिकल एवा आइनिन गुबुन गाहाम नेम-खान्थिफोरनि गेजेरजो मन्थि गबिन्द गौडेनि हंथायै खे'फोरथि लानो आरो एफआइआर थिसनो आर'ज गाबदो। अदेबानि थानाय मंगलबारखालि हारिमु मन्थि गबिन्द गौडे आरो आडिम हारि जौगाखां बिफाननि बिथोनगिरि दशरथ रेडकरनि गेजेराव फनआव

## पेट्रल-डिजेलनि बेसेना खमायनो गोबाव सम लागोन, थाव कम्पनीफोरा दासिमबो जेनाजो मोगा-मोगि जानांदो

गोदान दिल्ली, 7 फेब्रुवारी: हरदाव पेट्रल आरो डिजेलनि बेसेनखौं खमायनो हायैनि जाहोनखौं मिथिनो मोननाय जादो। मुलुगनां हाथाइफोराव गोथां थावनि बेसेना बांनयजो थाव कम्पनीफोरा डिजेल फाननायाव फिन खहा जानो हमबाय। आथिखालाव सरकार थाव कम्पनीफोरा डिजेलआव लिटारसेआव 3 रांसो खहा जागासिनो दं, बबेखानि पेट्रलाव बिसोरनि मुलाम्फाया गाहायाव फेदो। थाव दारिमिननि मावख 'गिरिफोरा फोरमायथि होदो आरो बेखौंबो बुंदोदि, पेट्रलाव मुलाम्फाया बाडइ जालांनय आरो डिजेलआव खहा जानायनि जाहोनाव थाव फानग्राफोरा पेट्रल आरो डिजेलनि बेसेनखौं खमायनायनिफ्राय बारग 'गासिनो दं। एप्रिल 2022 मायथाइनिफ्राय पेट्रल आरो डिजेलनि बेसेनाव जेबो सोलायनाय जायाखै। इन्डियान अयेल कर्प'रसन (आइअसि), भारत पेट्रलियाम कर्प'रसन लिमिटेड (बिपिसिएल) आरो हिन्दुस्तान पेट्रलियाम कर्प लिमिटेड (एइसपिसिएल) आ हादोराव 90 जौखोन्दोसो थावनि हाथाइखौं सामलायो। बे कम्पनीफोरा गोथां थावनि सोलाय-सोल' जासेआवबो गोबाव समनिफ्रायनो पेट्रल, डिजेल आरो एलपिजिनि



बेसेनाव जेबो सोलाय-सोल' खालामाखै। भारतआ गवानि थावनि गोनांथिखौं आबुं खालामनो थाखाय 85 जौखोन्दो बायजोनिफ्राय लाबोनयनि सायाव सोनारो। थानाय बोसोरनि जोबनायथि गोथां थावआ गुरै (नर्माल) जाबायमोन नाथाय जानुवारिनि नैथि सप्ताहयाव फिन बारायफिनदो। बुहुमनाडै ब्रेन्ट क्लुडआ 78 डलारनि खाथियाव फालांगि खालामगासिनो दं।

थाव दारिमिननि सासे मावख 'गिरिया बुंदोदि, डिजेलआव खहा जादो। बेयो पजिटिभ जादोमोन्बलाबो दायो थाव कम्पनीफोरा लिटारसेआव 3 रांसो खहा जागासिनो दं। बेजो लोगोसे पेट्रलाव मुलाम्फानि मार्जिनआबो लिटारसेआव थामनिफ्राय ब्रै रांसिम गाहायाव फे बाय। पेट्रलियामनि बेसेनआव सोदोनायनि सोमोन्दै

सोनायाव पेट्रलियाम आरो मिथिंगायारि गेस मन्थि हरदीप सिंह पुरीआ 'भारतीय ऊर्जा सप्ताह' नि बायजोआव खौरां बिजो नो बुंदोदि, सरकारा बेसेनफोरखौं थि खालामा आरो थाव कम्पनीफोरा गासैबो रांखान्थियारि जाहोनफोरखौं नायनानै गावसोरनि थिरांथाखौं लायो। पुरीआ बुंदोदि, थाव कम्पनीफोरा बुंगासिनोदि, हाथायाव दासिमबो दावराव-दावसि दड।

## आगु हादतगिरि प्रणब मुखार्जीनि फिसाजोया राहुल गान्धीनि लिडारशिपनि सायाव सौंथि दिखंदो

जयपुर, 7 फेब्रुवारी : आगु हादतगिरि प्रणब मुखार्जीनि फिसाजो शर्मिष्ठा मुखार्जीआ बुनाय बायदिब्ला, कंग्रेस पार्टीआ गवानि लिडारशिपनि थाखाय नेहरु-गान्धी नख 'रनि बायजोआव सान्नायनि गोनांथि दड। 17 थि जयपुर लिटारेचार फेस्टीभेलआव खौरां एजेन्सि पिटिआइजो सावरायनानै बिथाड बुडेदि, कंग्रेस पार्टीनि मदतगिरि आरो सासे बिबान गोनां नोगोरारि जानानै आं पार्टीखौं लानानै जिंजा सिदो। बिथाड बुंवावदो, थानाय 2014 आरो 2019 आव राहुल गान्धीनि लिडारशिप कंग्रेस पार्टीआ लाजिनाथावै जेनायजो मोगा-मोगि जानांदो। राहुल गान्धीया कंग्रेसनि दैदेनगिरि आरो कंग्रेसखौं दैदेननो आरोबाव सासे गोदान लिडारनि गोनांथि दड। बिथाडा बुंदो, इउपिए सरकारनि समाव आंनि बिफाया कंग्रेसनि आगुनि आफादगिरि



सनिया गान्धीखौं मोनसे लोर्बां सरकार सालायनायनि अनगायै बेरेखा दोलोयाव जिरायना थानाया साबसिन होनानै बुंदोमोन। बेयाव बिथाड कंग्रेसनि साबसिन इयुनिन थाखाय गान्धी नडै सुबुंफोरा खाबु मोनांगो। बेजो लोगोसे शर्मिष्ठाया गवानि बिजेपियाव हाबनाय बाभ्राया बान्सावनाय खौरांसो होना बुंदो। बिथाडा आं थारैनो कंग्रेस आरो जेरावबो

थानाय नड होनानैबो बुंदो। बे जथुमायाव बिथाडा प्रणब मुखार्जी आरो आगुनि गाहाइ मन्थि इन्धिरा गान्धीजो लोगोसे मनमहन सिं हनि सोमोन्दोफोरखौं लानानै बाभ्रा बुंदो। सुलुंनि बायदिब्ला थानाय 2019 लकसभा बिसायख थियाव कंग्रेसआ मोन 52 मासि मोन्दोमोन। बेरा फारसे 2014 आव मोन 44 मासिफोरखौं मोन्नो हादोमोन।

## सिएम नितिश कुमारआ पिएम मदिजों लोको हमनो दिल्लीयाव रावना होलांबाय

गोदान दिल्ली, 7 फेब्रुवारी : गाहाइ मन्थि नरेन्द्र मदिजों लोको हमनो थाखाय बिहारनि गिबि मन्थि नितिश कुमारआ दिने फुंनि समाव दिल्लीनि थाखाय रावना होयो। बिहारआव एनडिएनि गोदान सरकारनि बिबान सामलायनायनि उनाव नितिश कुमारनि गाहाइ मन्थिजों बियो गिबि लोको हमनाय जागोन। बेनि सिगां लेडइ गिबि मन्थि सम्राट चौधुरी आरो भिजय सिन्हायाबो गाहाइ मन्थिजों लोको हमदोंमोन। बिहारनि गिबि मन्थि नितिश कुमारआ मिरुआरि नख'र मन्थि अमित शाह आरो बिजेपिनि माहारियारि आफादगिरि जेपि नडडाजोंबो लोको हमगोन। गाहाइ मन्थि मदिजों लोको हमनाय समाव सिएम नितिश कुमारआ



बिहारनि थाखाय जर'खा पेकेज दाबि दिखानो हागौ। नितिश कु मारनि बे दिल्ली दावबायनाया माखासे बिथिडव मख'जाथाव। बियो गाहाइ मन्थिजों लोकोसे राजखान्थियारि थांखिजों लोकोसे बिहारनि जौगाखानायजों लोब्बा गोनां आयदाफोरनि सायावबो

सावरायनो हागौ। बेनि साननै सिगां गिबि मन्थि नितिश कुमारआ बिहारआव लघु उद्यमी बिथांखिखौ जागायो। बे बिथांखिनि गेजेरजों बिहारनि 94 लाख ओरैबायदि नख'र, जायफोरनि खामायनाया दानफ्रोमबो 6 रोजानिखुइ खम बिसेरनि थाखाय 2-2 लाख रानि रांखांथियारि हेफाजाब

खालामगोन। आथिखालाव राइज्यो सरकारा गावनि बाजेटनिफ्राय बेनि थाखाय 250 कौटि रं जगायना होदों। एनडिए जुथाइ दोलोआव हाबनायनि सिगांबो बिथाड बे बिथांखिनि सायाव मिरुनि मदतनि थाखाय बाथा बुंखांबाय। बिहारआव दासिमबो एनडिएआ बिधान सभायाव गावसोरनि गोबां भट मोन्नायखौ फोरमान खालामगोन। बिहार बिधान मन्डलनि बाजेट जथुमाया फेगौ 12 फेब्रुवारीनिफ्राय जागायगोन। बे जथुमायावबो एनडिएनि सरकारा गावसोरखौ गोबां भट मोन्नाय महरै फोरमान खालामगोन। बेनि सोमोन्दैरैबो गिबि मन्थिया गाहाइ मन्थिजों लोकोसे सावरायनो हागौ। बेनि उनाव गिबि मन्थिया फेगौ बृहस्पतिवारखालि दिल्लीनिफ्राय फेफिनगोन।

## आथिखालाव आबादारिफोरबो गावसोरनि फसलनि इन्सुरेन्स खालामनो हासिगोन

गोदान दिल्ली, 7 फेब्रुवारी : जेबो मिथिगायारि अलखदआ माब्लाबाबो फोरमायखानानै फैया। बेबायदियाव गोबां खेब जों बांद्राय अखा एबा खम अखा हानायनि जाहोनाव फसलफोर गाञ्जि जानायखौ खोनाबाय जानांगौ। फसलफोर गाञ्जि जानायनि जाहोनाव आबादारिफोरनि रांखांथिया ख'हा जायो। बे ख'हाखौ खम खालामनो थाखाय आथिखालाव आबादारिफोर फसल बिमा खालामनो हागोन।




सरकारा आबादारिफोरनि थाखाय पिएम फसल बिमा यजनाखौ जागायदों। जुदि मानिबा जाहोनाव बिनि फसलआ गाञ्जि जायोब्ला सरकारनि गेजेरजों रांखांथियारि हेफाजाब होनाय जागोन। मिरु सरकारा आबादारिफोरनि थाखाय बे पिएम फसल बिमा स्किमखौ जागायबाय। बे स्किमआव आबादारिफोरनो फसलनि सायाव बिमान कबार होनाय जायो। बे स्किमनि मुलाम्फाखौ मोनो थाखाय आबादारिफोरा इन्सुरेन्स

प्रिमियामनि 50 जौखोन्दो बाहागोखौ होनांगौ जायो आरो आद्रा थानाय 50 जौखोन्दो बाहागोखौ मिरु आरो राइज्यो सरकारनि गेजेरजों साब्सिडि महरै होनाय जायो। बे बिथांखियाव रबि फसलफोरनि सायाव बिमा कबारनि प्रिमियामआ 1.5 जौखोन्दो। बेनि गेजेराव आबादारिफोरा 1.75 जौखोन्दो प्रिमियामखौल' होनांगौ जायो आरो सरकारनि गेजेरजों साब्सिडि महरै होनाय जायो।

## धोरोमगुरु महन्त स्वामी महाराजआ बिएपिएस हिन्दु मन्दिर बेखेवनो थाखाय आबुदाबियाव थांदों

गोदान दिल्ली, 7 फेब्रुवारी : बिएपिएस स्वामी नारायण फसंधाननि फोथाइजाथाव गुरु महन्त स्वामी महाराजआ जुथाइ आर'ब आमिरात (इउएइ) आव गिबि हिन्दु मन्दिरखौ बेखेवनो थाखाय थानाय मंगलबारखालि आबुदाबियाव सौहैयो। बे धोरोमगुरुआ लैथोमायारि हादतआव गिबि हिन्दु मन्दिरखौ जारिमिनारि बेखेवनाय हाबाफारिखौ दैदेनगोन। गाहाइ मन्थि नरेन्द्र मदिनि अयध्याआव राम मन्दिरखौ बेखेवनायनि माखासे सान उनाव फेगौ 14 फेब्रुवारीखालि बे मन्दिरखौ बेखेवगोन। महन्त स्वामी महाराजखौ जुथाइ आर'ब आमिरातनि टलेरेन्स मिनिस्तार शेख नहयान मबारक अल

गोदान दिल्ली, 7 फेब्रुवारी: मिरु मन्थि नितिन गाडकारिखौ गोबां समावनो गावनि बिबुथिनि थाखाय मिथिनाय जायो। बिथानि बिबुथिफोरा ओरैबादि, नोंथाड बेनि सायाव आसि दैखानो हाया जायो। गाडकारिया मंगलबारव बुंदोंदि, जायफोरा मोजां खामानि मावो बिसोरो



माब्लाबाबो मान मोना। बिथाड खुंथायाव थानाय दोलोजों सोमोन्दो लाखिनो खाबु गोनां दैदेनगिरिफोरनि गोसो जानायखौ दुखु फोरमायदों आरो बुंदोंमोनदि, सानथौआव गोग्लैनाया सुबुंखांथिनि थाखाय मोजां नड। नितिन गाडकारिआ आरोबाव बुंदोंमोनदि, गोबां दैदेनगिरिफोर दं, जाय गावसोरनि सानथौनि सायाव गोरा नाथाय बिसोरनि

अनजिमाया लासै-लासै दोलोआनो गोहोआव खमायलांगासिनो दं, बेखौ नायनाया जिगा सिगांगौ। बिथाड बुंदोंदि, जौनि दान्थे-बिदान्थे आरो सावरायनायाव फारागथिया जौनि जेना नड, जौनि जेनाया सानसिफोरनि आंखाल, मिरु मन्थि नितिन गाडकारिआ एमपिफोरखौ गावसोरनि बिहोमानि थाखाय बान्था होनो थाखाय मोनसे मिडिया गुपुखौ बिबुथि होनानै बुंदोंमोन। बिथाड जंखायनानै बुडेदि, जायखि

रैखाथि मन्थि जर्ज फर्नाडिसनि आखु, गोरलैथि आरो सुबुंथिनिफ्राय गोबां सोलोंबाय। अटल बिहारी बाजपेयीनि उनाव जाय सुबुंजों आं बयनिखुइबो बांसिन गोहोम खोखैजादोंमोन बियो जर्ज फर्नाडिसमोन। गाडकारिआ बिहारनि बारग' गिबि मन्थि कपुरी ठाकुरखौबो बाखायदोंमोन, जायखौ बावैसो थैखानायनि उनाव भारत रत्न बान्थाजों मान होनाय जादोंमोन। बिथाड बुंदोंमोनदि, बेफोरबायदि सुबुंफोरा हादोरनि सुबुंखांथिखौ गोखों खालामदों। गिबि मन्थि महरै बिबान एंगारनायनि उनाव बिथाड गंसे अट'-रिक्शाजों दावबायदोंमोन आरो बिथानि थासारिया जेबोद सरसनसामोन। बिथाड बोसोन होदोंदि, राजखान्थियारि दैदेनगिरिफोरा बेबादि सुबुंफोरनिफ्राय थुलुंगा लानांगौ।

**अएइसइ मडिफिकेसन खामानि राह खालामनाय**

इ-डेन्डर फोरमायथाय नं: इएल-आरएनएड-टिआरिडि-33-2023-24। गावनाय फोरमायथाय खामानि थाखाय मुंसयानिआ इ-डेन्डर हावायवदों। डेन्डर नं: एएल-आरएनएड-टिआरिडि-33-2023-24। खामानि नं: (क) रडिआ डिभिजन-379/5-6आव थांखिबायनाय आडरिडि/एलएइएसएनि थाखाय आडरिडि मडिफिकेसन खामानि राह खालामनाय। (ख) रडिआ डिभिजन-379/5-6 आव थांखिबायनाय आडरिडि थाखाय अ'पुस मडिफिकेसन खामानि राह खालामनाय। डेन्डरनि बेसंनं: 99,71,951.78/- रं। अग्रिम नं: 1,99,400/- रं। डेन्डर बन्द जानायनि अक्ट' आरंभ सम: 26-02-2024 अक्ट'नि 15.00 निगायाव। बांसिन मिथियो थाखाय [www.ireps.gov.in](http://www.ireps.gov.in) केसम्बन्धनि जायो।

**सिनियर डिइइ, रडिआ सा-सान्जा सिमना रलेव**

मिन्सुरेन्स गाडकारिनिमिथि

No.UDB/Tender/01/2022-23/ Date: 05/02/2024

**SHORT NOTICE INVITING TENDER**

Sealed tender affixing a non-refundable Court fee stamp of Rs. 8.25 (Rupees eight & twenty five paise) only with a validity period of 180 Days which will subsequently be converted and drawn up in the printed of F-2 form are invited from the registered contractors of Class-II and Class-I (A, B & C) category of Assam PWD (Road & Building) and BTC according to their eligibility for submitting tenders for the works under SOPD & various schemes under BTR for the year 2022-23 as stated below. The tenders will be received by the undersigned up to 12.00 Noon on 29/02/2024 and will be opened on the same date & place at 2.00 P.M.

Sl. No.	Name of work	Tender Amount (Rs In lakhs)	Cost of Tender Paper	Time of Completion of Work
1	Land Development with goal post at Murmella HE School field under Murmella VCDC in Udalguri District	6,00,000.00	Rs.500.00	3 (three) months from the issue of Formal Work Order
2	Development of Bormukuli Catholic Graveyard at Bormukuli Adivasi village under 6ASFC	19,04,799.00	Rs.500.00	3 (three) months from the issue of Formal Work Order

Detailed N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 08/02/2024 to 29/02/2024 in the office of the undersigned on payment. The contractor should submit attested copy of latest Registration certificate, labour certificate, latest Income Tax, GST Registration, PAN Card along with the tenders. In case the office remains closed on tender issuing/receiving/opening date the same will be issue/received/opened on the next working day. The successful tenderer has to be submitted 1% (in case of ST/SC/OBC) and 2% (in case of General category). Performance Security Deposit money against the work in the form of Demand Draft/ Banker's Cheque only from any nationalized Bank duly pledge to the Block Development Officer, Udalguri Development Block, Udalguri as mentioned above have to be deposited at the time of allotment of work. The BTC authority reserves the right of accepting or rejecting the tender papers without assigning any reason thereof.

Sd/  
Block Development Officer,  
Udalguri Dev. Block, Udalguri

IPR(BTC)-2023-24/1326

No.BDB/SOPD-104/2017-18/1024 Dated Mushalpur the 7<sup>th</sup> February, 2024

**SHORT NOTICE INVITING TENDER**

Sealed tender affixing a non-refundable Court fee stamp of Rs. 8.25 (Rupees eight & twenty five) only with a validity period of 180 Days, which will subsequently be converted and drawn up in the printed of F-2 form are invited from the registered Contractors of Class-II and Class-I (A, B & C) category of Assam PWD (Building) and BTC, according to their eligibility for submitting tenders for the works under SOPD for the Year 2023-24 as stated below. The tenders will be received by the undersigned up to 12.00 Noon on 26/02/2024 and will be opened on the same date & place at 2.00 P.M.

Sl. No.	Name of work	Tender Amount (Approx)	Cost of Tender Paper	Time of Completion of Work
1	Repairing & renovation at No. 1 Ambari Borosupa AWC under SOPD-G for the year 2023-24	Rs. 1,00,000/-	50/-	6 (Six) Months from the date of issue of F.W.O.
2	Repairing & renovation at No. 11 Pachim Athiabari AWC under SOPD-G for the year 2023-24	Rs. 1,00,000/-	50/-	6 (Six) Months from the date of issue of F.W.O.
3	Repairing & renovation at No. 23 Chanbarkhuti (Barimakha) AWC under SOPD-G for the year 2023-24	Rs. 1,00,000/-	50/-	6 (Six) Months from the date of issue of F.W.O.
4	Repairing & renovation at No. 19 Nalbari Pamaupather AWC under SOPD-G for the year 2023-24	Rs. 1,00,000/-	50/-	6 (Six) Months from the date of issue of F.W.O.
5	Repairing & renovation at No.20 Pub Bangnabari AWC under SOPD-G for the year 2023-24	Rs. 1,00,000/-	50/-	6 (Six) Months from the date of issue of F.W.O.

Detail N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 09/02/2024 to 23/02/2024 in the office of the undersigned on payment in the form of Demand Draft/Banker's Cheque from any Nationalized Bank, duly pledged in favour of the Principal Secretary, BTC Kokrajhar, payable at Kokrajhar. The contractor should submit attested copy of latest Registration Certificate, latest Clearance Certificate of Income Tax and Sale Tax, PAN Card, VAT along with the tenders. In case the office remains closed on tender issuing/receiving/opening date the same will be issued/received/opened on the next working day. [The successful tenderer has to be submitted 1% (One P.C.) (in case of ST/SC/OBC) and 2% (Two P.C.) (in case of General) S.D. money against the work in the form of FDR/DCR from any nationalized Bank duly pledge to the Block Development Officer, Baska Development Block, Mushalpur, as mentioned above at the time of allotment of work.] The B.T.C. authority reserves the right of accepting of tender papers or outright rejection of the same without assigning any reason thereof.

Sd/ Block Development Officer,  
Baska Development Block, Mushalpur

IPR(BTC)-2023-24/1324



नहयानआ राइज्योयारि आलासि महरैगाजा-गोमजायै बरायो। बिथांखौ बरायनायै मन्थिया बुडेदि, इउएइयाव बिथां धोरोमगुरु महन्त स्वामीखौ बरायबाय। जौनि हादतआ बिथानि नुजाफेनायाव गोजोन्याय मोन्दों। जौ बिथानि अनसुला आखुजों गोहोम गोरलैयो आरो जौ बिथानि आर'जफोरखौबो मोन्दोंनो हायो। बिएपिएस धोरोमगुरुआ जेब्ला आबुदाबियाव सौहैयो स्वामी

नारायण फसंधाननि माखासे गिदिर सोद्रोमा आरो भक्तफोरबो बिथांखौ बरायनो बेयाव सौहैयो। गाहाइ मन्थि मदिआ फेगौ 14 फेब्रुवारीयाव रोजा रोजा सिबियारिफोरनि नुजाथिनायाव बे मन्दिरखौ बेखेवगोन। बेयाव रोजा रोजा सिबियारिफोर फेनायजों धोरोमारि गोसो दुनाय आरो फोर्बोनि थासारिया सिगांनिफ्रायनो सोमजिबाय। बेनि गेजेरजों मदिआ आबुदाबिनि भव्य शेख जायद स्पर्टस स्टेडियमआव

गुबुन हादतयारिफोरखौ सोमोन्दो लाखिनो थाखायबो थियारि जादों। अहलान मदि मुनि बे हाबाफारियाव 50,000 निखुइ बांसिन सुबुंफोरा नुजाथिनो हागौ। बेयाव अहलान मदिनि ऑथियानो जाबाय हेल' मदि। बे हाबाफारिखौ गुबुन हादतआव गाहाइ मन्थिखौ बयनिखुइ गाजा-गोमजासिनै बरायनाय महरै गनायना लानाय जादों। मख'नो गोनांदि, बिएपिएस मन्दिरआ गेजेर सान्जायाव

बानायजानाय गिबि हिन्दु मन्दिर। थानाय 2019 आव जेब्लानिफ्राय बे मन्दिरखौ बानायनाय हाबाफारिया जागायदों अब्लानिफ्रायनो बियो मुतुगनाडेनि हिन्दु फोलेरफोरनि गोसोखौ बोनो हादों। बेजों लोकोसे भारत आरो जुथाइ आर'ब आमिरातनि गेजेराव बांनाय लोकोनिबो मोनसे गिदिर फोरमान जागोन। बे मन्दिरनि अन्थाइ खाम्फाखौ थानाय 2019 नि 20 एप्रिलआव गाइसन्दोंमोन। गुफुर सुनैनि अन्थाइ बाहायनायै खालामनाय बे गोदान मुगानि हिन्दु मन्दिरखौ बानायनायाव गोबां हिन्दु फोलेरनि माखासे गावयारि सिबिथाइफोरा बाहागो लादों। सुतुनि बायदिल्ला आबुदाबिनि क्राउन प्रिन्स आरो इउएइ सांथि हान्जाफोरनि लेडाइ जौसिन थाखोनि कामान्दार शेख महम्मद बिन जायद अल नहयानआ बे मन्दिरखौ बाहायनो थाखाय थानाय 2015 आव 13.5 एकर हाखौ दान होदोंमोन।

## सेम्सां एस-24 आल्ट्रायाव टाइटेनियामनि थाखाय चेकिं जादों

गोदान दिल्ली, 7 फेब्रुवारी : थानाय दानावो सेम्सांआ गावनि प्रिमियाम सिरिज एबा सेम्सां गेलेस्कि एस 24 खौ लन्ड खालामबाय, जेराव मोन्थाम मडेलखौ सोफानाय जादों। बे सिरिजनि गासै मडेलफोर जर'खा, नाथाय बेनि सेम्सां गेलेन्टि एस 24 आल्ट्रा मडेलआ बयजोंबो अनसाइजासिनो। मानोना बेयाव टाइटेनियामनि बाहायनायखौ लानानै गोबां सावरायजायो। मानोना बेयाव डिभाइसखौ आलादा आलादा टियार खालामनायजों मिबथिनो मोनोदि, फननि सिडव बेसेबां टाइटेनियाम दड आरो बेयो बेसेबां सुबुंफोरनि अनसाइनाय मोन्नांगोन। अदेबानि कम्पानिया बे बोसोरनि डिजाइनआव जेबो जर'खा सोलायाखै। बेयाव एसेल' सोलायदों, जेराव टाइटेनियाम प्रेमखौ सोफादों। बे सोलायनायखौ बेनिखायनो जर'खा महरै गनायना लानाय जायो, मानोना टाइटेनियाम स्टिल एबा एलुमिनियामनि रुजुनायाव जोबोद गोखों आरो लिथियायव खम। सुतुनि बायदिल्ला सेम्सांआ बे बोसोराव गावनि आल्ट्रा डिभाइसनि बेसेनाव 100 डलार बांहोदों। आथिखालाव कम्पानिया बे फनआव गोबां ओरैबायदि फिसार्चफोर होदों, जाय बेखौ जर'खा खालामो। जर'खायै एआइ फिसार्च,



जाय स्नेप ड्रैगन 8 जेन 3 प्रसेसरनि साफर मोनो। मिडिया रिपटआव फोरमायनाय बायदिल्ला मोनसे गोदान थिडिअ नुजाथिदों, जेराव आल्ट्रायाव टाइटेनियामनि नुजाथिनायनि सायाव सुबुंफोरनि सौथि सोनायफोरखौ बन्द' खालामदों। बेनि उननि बाहागोया टाइटेनियामनि अनगायै ग्लासनि। बेयो एसे गरम जानायजों लोकोसे बन्द' जायो। बेयाव रेयर फेनेलआव कपार भायारलेन्स साजिं कइल आरो मोनसे गिदिर केमेग मडेल दडा बे केरेमा मडेलआव 200 एमपि गाहाइ शुटर, 12 एमपि आल्ट्रा भाइट आरो 50 एमपि+10 एमपि टैलिपट मोनो।

## फिफा वर्ल्ड 2026 आ आमेरिकानि सहरआव खुंजागोन



वाशिंग्टन, 7 फेब्रुवारी: फिफा वर्ल्ड काप 2026 नि जोवथा मेचखौ निउयक/निउजासि आमेरिकानि नेटलाइफ स्टेडियमआव खुंफुंगोन। बे स्टेडियमआव गासै 82,500 नायगिरिफोरा जिरायनो खाबु मोनगोन। वर्ल्ड कापनि गिबि मेचआ 2026 नि 11 जुनआव मेक्सिक' सिटिनि मुंदांखा एजेतेका स्टेडियमआव

जागायगोन। फिफानि आफादगिरि गियानो इन्फेन्टिन'आ जानो गोनां बे कापखौ कानाडा, मेक्सिक' आरो जुथाय राइज्यो आमेरिकाआव खुंजागोनखौ फोरमायनायै मोन 16 गोदानथार स्टेडियमनि गेजेराव गासै खेब 104 मेचफोर जागोनखौ फोरमायदों। राउन्ड अफ 16 नि बादायनाया 4 जुलाइखालि उदांसि सानजों लोब्बायाव फिलाडेलफियाआव खुंजागोन। आटलान्दा आरो डालासआ सेमिफाइनलखौ खुं गोन। जेराव थामथि जायगानि गेलेनाया मियामीआव जागोन। क्वार्टर फाइनलआ लस एन्जल्स, कान्सास सिटि, मियामी आरो बास्कटआव खुंजागोन। बेनि सिगाइव 1994 आव आमेरिकाआ फिफा वर्ल्ड कापखौ दैदेनखांबाय। फाइनलआ बै समाव लस एन्जल्सनि खाथियाव थानाय फसाडेनानि रस बाउलआव जादोंमोन।

## अखाफोरखौ मानो मामा बुंनय जायो ? अखाफोरा बिगियाननि बाइजोआव आरो धोरोमारि फोथायनायाव स्पेसियेल जायगा दड़

भारतनि चन्द्रयान-3आ अखाफोराव जाफुंसारै सौहैबाय। भारतआ इसर'नि अखाफोराव जाफुंसार लेन्डिंजों जारिमिन सोरजिबाय। भारतआ गासै बुहुमाव अखाफोराव जाफुंसारै जानो हानाय ब्रैथि हादर जाबाय। नाथाय बुहुमनिफ्राय अखाफोरसिम दावबायनाया जोबोद गोब्राबमोन। बे मिसना भारतजों लोगोसे मुलुगनि गोबां हादोरफोरनो मुलाम्फा होगोन। गासै बुहुमावनो अखाफोरसिम सौहैनो थाखाय बादायलायनाय दं। आथिखालाव भारतआ आमेरिका, सभियेट इउनियन आरो चिननि उनाव अखाफोराव बुहुमाव जाफुंसारनो ब्रैथि हादर जाबाय। बिगियानगिरिफोरनि थाखाय अखाफोरनि सायाव बिजरसनयनि मोनसे गुबुन गोनांथि दं। अखाफोर जों सोमोन्दो थानाय गोबां गोमोथाव बाश्राफोरा दासिम गुमुर जानानै थाबाय। जाय गोबां हादोरफोरनि थाखाय मोनसे गिदिर जाफुंसारनाय जागोन। बे मिसनखौ जाफुंसार खालामनो थाखाय गासै हादराव सिबिनाय, धोरोमारि फालिथायफोर खुंनय जादोंमोन। गोबां इस्लामिक मिरुफोरावबो सुबुंफोरा बे मिसननि जाफुंसारनायनि थाखाय आरज गाबदोंमोन। बबेखानि, भारतवा अखाफोरा खालि बिगियानारि नख हिन्दु आरो मुसलमानफोरा अखाफोरजों सोमोन्दो गोनां धोरोमारि फोथायथि दं। हिन्दु धोरोमआवबो, अखाफोरखौ सानजों रोखोमसे मोदाइ मानिनाय जायो। बेनि अनगायैबो ज्यतिषनि नोजोरजों अखाफोरखौ गोसोनि मोनसे



दिन्थिगिरि मानिनाय जायो। ओरैबायदि बुंनय जायोदि, अखाफोरा सासे सुबुंनि गोसो, गोसोनि मोन्दांथि आरो मेलेमाव गोबां गोहोम खोख्लैयो। हिन्दु धोरोमा अखाफोरजों गोबां धोरोमारि गोनांथि दं। गुबैयै अखाफोरखौ हिन्दु धोरोमाव मोदाइ मानिनाय जायो मानोना बेयो इसोर शिबनि मेलेमाव सुजुजानाय। हिन्दु फोथायनाय बायदिब्ला, चान्दआ महर्षि अत्री आरो बिमा अनुसुइयानि फिसाज्ला। बेनि अनगायैबो हिन्दु धोरोमाव गोबां फोरबो आरो उखैहाबनाय फालियो, जाय अखाफोरखौ नायनानै आबुं जायो। बिदिन्थि बायदिथै, करवा चौथ आरो पुर्निमाजों लोगोसे हिन्दु धोरोमनि आइजोफोरा गावसोरनि गथ'फोरनि थाखाय माखासे उपवास लाखियो, जाय अखाफोरखौ नुनायनि उनावसो आबुं जायो। इस्लामनि गासैबो फोरबोफोरखौ 'अखाफोर फानजामुथि' बायदिथै थि खालामनाय जायो। मुस्लिम धोरोमावबो अखाफोरा ईदनि थाखाय जोबोद गोनांथार। गुबैयै बिसोरनि फोरबोआ अखाफोरनि

अरथाइनि सायाव सोनारो। भारतआव ज्यतिष बिगियानावबो अखाफोरा जोबोद गोनांथि दं। गुबैयै सासे सुबुंनि राशिफलखौ अखाफोरनि बिथायावल' बानायनाय जायो। जुदि अखाफोरा सासे सुबुंनि राशिफलआव मोजां आरो मोजां गोहोम खोख्लैयो अब्ला बिहा माब्लाबाबो रांनि आंखाल जाया। एखे समावनो, जुदि राशिफलआव अखाफोरनि थाथाइयाव माबा मोनसे गोरोन्थि एबा गाज्जि गोहोम दं अब्ला बेखौ फोथायनाय जायोदि बे सुबुंन रागा जॉनाय आरो गोसो बायफलेनाय गोसोनि सुबुं जागोन। ज्यतिषनि बायदिब्ला, समबारा अखाफोरनि सान। ज्यतिषनि बायदिब्ला, जुदि अखाफोरजों सोमोन्दो थानाय माबाफोर राहा बुंनय जायो अब्ला समबार एबा फुरनिमा सानाव बेखौ खालामोब्ला जॅनानिफ्राय उदां जायो। पंचां आरो राशिफलनि सानयाबो अखाफोरनि थाखाय हेफाजाब होयो। हादराव माब्लाबानो गंसे न' थागोन,

जेराव अखाफोरखो चंदा मामा बुंनय जाया। गुबैयै साफ्रोमबो गथ'फोरा अखाफोरखौ सिगांनि समाव चंदा मामा मुडैमिथियो। बेबादि थासारियाव गोबां सुबुंफोरनि गोसोआव सोलु फेयोदि, अखाफोरखौ मानो मामा बुंनय जायो, मानो बिबथे नाना नख। बेनि आन्दोआव सिनायथिबो दं गुबैयै धोरोमारि फोथायनाय बायदिब्ला, बिमा लक्ष्मी आरो अखाफोरजों लोगोसे लैथोखौ मंथन खालामनाय समाव गोबां गुदिमुवाफोरा लैथोनफ्राय ओंखारबोदोंमोन। हिन्दु धोरोमआव, देबि लक्ष्मीखौ बिमा मानिनाय जायो बेनिखायनो अखाफोरखौ चंदा मामा बुंनय जायोमोन। बेजों लोगोसे, गुबुन मोनसे जाहोनखौबो फोथायनाय जायोदि, जों बुहुमखौ गावनि बिमा मानियो। बेबादि थासारियाव अखाफोरा जेब्लाबो बुहुमनि सोरगिदिं गिदिडे आरो बेजोंनो थायो। बुहुमजों थानायनि जाहोनाव अखाफोरखौ चन्दा मामा बुंनय जायो। □

## भारतनि बे राइज्योआव दिनैसिम गंसेबो ट्रेन खारफेराखै, मुलुगनि ब्रैथि बयनिखुइबो देरसिन रेल नेटवर्कआ बेवहाय सौहैनो हायाखै



गोदान दिल्ली, 7 जानुवारी: भारतयाव सानफ्रोमबो कोटि-कोटि सुबुंफोरा ट्रेनजों दावबायो। भारतारि रेलवेखौ बुहुमनि ब्रैथि बयनिखुइबो देरसिन रेल नेटवर्क होननाबो मानिनाय जायो। दिनै भारतारि रेलवे आ हादरनि मोनफ्रोम खनायाव गावनि

गोसारनायखौ फेहेरबाय। जेराव नोंथाड थाडे बेयावबो माखासे रेलवे लाइन नुनो मोनगोन। जुदि बांसिन सुबुंफोरा गोलाव जात्थाय दावबायनो थाखाय ट्रेनखौ बाहायो, भारताव रेलवे लाइननि गासै लावथाया 1 लाख 15 रोजा किल'मिटर। जुदि नोंथाड

हादोरनि जायखिजाया जायगायाव थानो लुबैयो अब्ला नोंथाड ट्रेनजों थानो हागोन। दायो नोंथाड बेखौबो खोनानाने गोमोथाव मोनगोनदि, भारताव ओरैबायदि मोनसे राइज्यो दं, जेराव दासिमबो रेलवे लाइन सौहैयाखै आरो बैयाव गंसेबो

ट्रेना खारलाडखै। नोंसोरनि गेजेराव माखासे आ बेखौ मिन्थिनो हागौ नाथाय गोबां सुबुंफोरा दाबो बे सान्नायाव गोदोनानै थानांदांदि, बबे राइज्योआव दिनैसिम ट्रेनआ खारफेराखै। बेनिखायनो फे जों मिथिना लानि बबे रायजोआव दिनैसिम जेबो ट्रेन खारफेराखै आरो रेलवे लाइनबो गैया। गुबैयै दिनैसिम सिक्किमाव गंसेबो ट्रेन खारनाय जायाखै आरो बेवहाय गंसेबो रेलवे लाइनबो गैया। बेयो हादोरनि मोनसेल राइज्यो, जेराव दिनैसिम रेलवेनेटवर्कआ सौहैयाखै। बबेखानि, सिक्किमाव रेलवे लाइननि खामानिया गोछैथै सोलिगासिनो दं आरो बेखौ मिजिं थिनाय जादोंदि, 2024 माइथायसिमाव बे रायजोआवबो रेल सिबिथायआ जगायजेगोन □

## सैथो मोजां मोनलायनायाव

सैथो मोजां मोनलायनायाव गैया लाजिनाय गिनाय गैया बेयाव माब्लाबो जेन्नाय .....। सैथो मोजां मोनलायनायाव गैया गिदिर उन्दै बैसोखौ लानानै फाराग- सैथो मोजां मोनलायनायाव गैया धोनि गोरिबनि थाखो राननाय। सैथो मोजां मोनलायनायनि ख्लाबआव जाय सुबुंनि गोसो आरो सोलेरा हाबो अब्ला बे सुबुंन रावखौबो सिनायनो हाया। नाथाय दं सैथो मोजां मोनलायनायाव- रंजानाय गोरोबनाय सुखु गोजोन

मिनिनाय गाबनाय दुखु हांमा मुडैनाय एंगारनाय अनसायनाय नाजावनाय। सैथो मोजां मोनलायनायाव आरोबाव- थाबावो हास्थायनाय जुजिनाय नाजानाय जोबथारनायाव हाथाराब्ला जिउखौ दान होनाय.....। आंबोदि रैरूप नंखाय मोजां मोन्नायनि फाव खालामाखै ....., सैथो मोजां मोन्नायनि ख्लाबाव अराय थैस थॉसनि थाखायसो हाबदों नोंखौ लानानै लुनो सान्नाय सनानि देराखौ थारैनो मोगथां नुलुगआव नोंखि जाफुंसार होनो हागोन ?

फुंजा सोरां नाजॉरि

## रंजालि गथ'फोरनि सौरा

### नोंखौ मोनाब्लाबो

आं मिथिगौ  
नोंखौ मोन्नाय नख  
नाथाय.....  
गोसोआदि मानिया ।

हास्थायो नोंखौ  
अरायबो गावनि खालामनो  
नाथाय.....  
नोंदि नाजावा आंनि अननायखौ ।

बोदोर आं  
नोंनि अननायनि मोननो  
नाथाय.....  
बिखाया गावो खुगाया गेवा आंनि ।

जौमोननि गोसो आंनि  
बिरलाडे नोंनि सेरावल'  
नाथाय.....  
नोंदि गुमुर लाया रजे माबोलाबो ।

आं मिथिया रजे  
नोंनि गोसो इसिनि बाश्राखौ  
नाथाय.....  
मिथिनो हास्थायो नोंनि गोबॉनि राव ।

फे रजे आंनि सेराव  
बजबना लानि गुवार बिखायाव  
नाथाय.....  
आथुरै नख रजे-रुइदोब आगानजों लासै लासै ।

सानबोलावरि बिखायाव  
सुजुयो आं सिमां नोंखौ लाना  
नोंखौ मोनाब्लाबो रजे आं दिनैबो  
हास्थायो नोंखौनो अरायबो गावनि खालामनो ।

गलाप खुंगुर बसुमतारि  
बसगाव, कक्राझार

## सोर नों

मोनाबिलि समाव  
आइलि जाइलि खानाय ह'सारनानै  
सोर नों अनजालि ?  
हासिंडे सायनासालियाव मानो ?  
मानि जाहोनाव  
दुखुनि महर लाना  
जिरायना थादों नों ?  
थारैनो नों  
मायागिरि नखथ' ?  
ओहो ओहो बियो  
मायागिरि जानो हाया,  
थारैनो बियो  
गावनि अनजालुखौ गोसोखांन  
हासिंडे सायनासालियाव  
जिरायबाय थादों ।  
सोर नों अनजालि  
बबे जायगानि ?  
फे फे दुखुथिया अनजालि  
दोनहेनि नोंखौ  
नोंनि आंगो न'आव,  
खिन्थादोल' अनजालि  
सोर नों ।

मुस्त्रि बिरदाव नाजॉरी  
गामि- खारगाव  
ला:सो:- खारगाव  
जिल्ला-कक्राझार बिटिसि ( आसाम ) ।

### नेनानै थाबाय थागोन

आंनि साखाथिनिफ्राय आनज्राइलांदोंब्लाबो दासान नों सना बारग'नो हादों, रुगुं गैथै लैथोबादि नुसमोनै थावनियाव थादोंब्लाबो दासान नों गोजोन जादों । गोजोननि देराखौ लुनो नोंखौ आलो गोजोनै फुथुनो नाजागोन स'ना आं हाजासे । नोंखौ नुयैआव सना जानांबाय आं बेसेदि हालाय-हाफाय, सायखं महरै दोन्नाय नोंनि सावगारिआ जाखाडे जेब्लाबो आंनि गोरबोनि फर्दायाव सौदावफैयो नोंनि महरा जेब्लाबो

### गोरोबनै खन्थाइ

खन्थाइखौ रेबो आं हरदम  
गोसो ख्रांब गसो ख्रांब

जिउआव मालाबा खहार  
आरो बेयावनो दुखार

जों सुबुंनि जिउ लामाया  
जानो हागौ बेनो माया

गुमुर मोना अराय बोथोर  
सुबुं जिउआव दाहा दिखार

माला माला बिलिर फैगोन  
हरखाबसो फैयो बुंनंगोन

मालाबा हांमा हांसायाव  
जानो नाडे सुबुं जिउआव

सुबुं जिउआव जिंगोर जिंगोर  
जानां थारो दाहा दिखार

-रैदोम बर',  
माजदिवा, बगुलामारि,  
बाक्सा

### जिउनि मोनसे सम

संसारनि बायसेश्रा सावगारिफोरा  
बायदि गाब गाहोयो सोलेर गंसे,  
जेननाय, देरहानायनि फैसालिजों  
बेंथेना लाखिजायो जिउनि मोनसे सम ।

गेलेफैयो नोजोरफोरा गोसो सानसियाव  
गोमो, गोथां बायदि गाबजों,  
आगर एरफबना समायहोनो नाजायो  
गोथां बिसम्बि सोरजिनो जिउनि मोनसे सम ।

-निजोम बर'  
पशिम पानेरि, अदालगुरि

## बेवहाय

मुश्री बिरखां नारजारि

सोमखोर समायना महर मिथिगानि  
सुबुंजों मंगलिय फोलेरनि  
थागिबि बुलुंथुथुर सेरफानि,  
बयनिबो न'खर-न'खर  
बारि-बागान फिथाय सामथायनि,  
बेयावनो थायो जों अराय जुगामि ।  
गेलेयो रंजायो मिनि खुसि  
गुबुनजों जाया दावराव-दावसि,  
बयनिबो न'खराव रंजा-खुसि  
दं सुखु गोजोननि बाखि ।  
डिमापुर, माइबां, खासपुर  
नेरसोन बर' राजाफोरनि ।  
गोथार थानसालि कामायख्या  
बर' राजा नरकासुर लुनाय ।  
गोमोराखै दासिम बैसागु दमासि रंजानाय  
सिवियो दासिम बाथौ बोराय ।  
गामिनि देरफुनाय लाइमोन सिख्लाफोरनि  
सालखुन्थाजों खुखाव-खुखाव सि दानाय ।  
गामसा, दख'ना, आरनाय  
बेजोंनो नुयो जोंखौ देलाइ-मालाइ  
बेसे गोमोथाव बर'नि हारिमुवालाइ ।

आंनि खंखला बिखायाव ।  
दाहाजों मोदैआ बोहैग्लाबो  
नोंखौ माइनाव, ददरे बुस्ताबनो मोनैआ  
बबे समाव फैफिनगोन रजे नों  
आंजों मिनि रंजा गेलेनो  
नेनानै थाबाय थागोन सना नोंखौ  
आंनि देरा गिजियाव  
बिबारनि मालाखौ गानहोनो  
नोंनि गोदोनायाव ।

मुस्त्रि निजोम गोरा ब्रह्म  
ला:सो: दतमा  
जिल्ला- कक्राझार, बि.टि.सि

# इउक्रेनआ इननि थाखाय आलादा सान्थि हान्जा दानो थियारि खालामदों

**विषय, 7 फेब्रुवारी** : थांनाय 2 बोसोरिनफ्राय रसिया आरो इउक्रे ननि गेजेराव दावहा इउक्रेनानि दड। सोनाबारि हादतफोरनि रंखांन्थि आरो सान्थियारि मदत मोन्नायनि जाहोनाव इउक्रेनआ लान्थियै रसियानि सायाव गाग्लोबनायखौ फिन्नाय होगासिनो दड। इउक्रेनआ इन गाग्लोबनायनि गेजेरजों रसियाखौ गोबां ख'हा खालामदों। बेनि गेजेरजों इउक्रेननि हादतगिरि भलडिमिरे जेलेन्सिया थांनाय मंगलबारखालि इउक्रेननि सान्थि हान्जाफोरनि मोनसे आलादा ब्रान्स दानो बिथोन होयो। बे रेखाथि हान्जाया दावहायाव इन सालायनायनि सायाव नोजोर लाखिगोन। सान्थियारि बिबानगिरिफोरनि बुंनाय



बायदिब्ला इनजों लोब्बा गोंना हाथियारआ रसियानि हेंथायै दावहा नांनायनि थाखाय मख'जाथाव। सुलुडाव फोरमायनाय बायदिब्ला माखासे दानफोर सिगां इउक्रेनआ मोनसे गोदान आन्डर वाटर सुइसाइड इन मरीसिकाखौ लन्च खालामदों। बे इनखौ रसियानि हेंथायै दावहा नांना थाखाय डिजाइन खालामनाय जादों।

जेलेनस्किया बुंदों, इउक्रेननि सरकारा मोनसे इन सिस्टेम हान्जा दानो बिथोन होयाव। इउक्रेननि डिजिटल परिवर्तन मन्थि मायखाइल' फेडरभआ बुंदों, आलादा ब्रान्सआ सान्थिनि टेक्निक जौगाखानायखौ मोनसे गोहो गोर हान्जा महैरै गोसो दु'होगोन। बिथाडा बुंदों, रसियानि हेंथायै दावहानि फोथाराव इनआ गहाइ बिफाव

लागासिनो दड। बेराफारसे इनजों लोब्बा गोंना हाथियारफेर गैयेनि फिथाइखौ रसियाआ रुजुन्ना लानांदों। थांनाय बोसोरनि डिसेम्बर दानाव हादतगिरि जेलेनस्कि या इउक्रेनआव 2024 आव 10 लाख इन दिहुनगोन होना दावि देखांदों। इउक्रेननि सरकारि बिबानगिरिफोर खौरं होदोंदि, इउक्रे ननि थांखिया दान मोनफ्रोमबो 10 रोजा इन दिहुन्नाय। आथिखालाव दिहुन्थाइनि सायाव जेबो अन्जिमाखौ फोरमायखे। नाथाय दावहा जागयनायनि उननिफ्राय इननि दिहुन्थाया बांदों। अदेबानि गोबां कम्पानोफोर गुबुन गुबुन मडेलफोरनि गेजेरजों दिहुन्थाइखौ जौगाखों होगासिनो दड होना सुलुनि गेजेरजों मिबथिनो मोन्नाय जादों।

# खोला फिलिपाइन्सआव अखा आरो दै बानाया जोबस्त्रांनाय लाबोदों

**मानिला, 7 फेब्रुवारि**: खोला फिलिपाइन्सआव गोबां अखा आरो दै बानाया फोजोबस्त्रांनाय लाबोदों। लान्थियै हाबाय थनाय अखानि जाहोनाव ओन्सोलाव हा गिसिखानाय बायदि थासारि सोमजिहोगासिनो दड। दै बाना आरो हा गिसिखानाय अलखदआव गोलैनानै सा 11 सुबुंफोर जोखोम जायो। अलखद सामलायग्रा बिबानगिरिफोर बुधबारखालि बे जाथयनि खौरं होदों। अलखद सामलायग्रा एफेक्स माइनिआ मोनसे बिबुंथियाव बुडोदि, हा गिसिखानाय जाथया थांनाय मंगलबारखालि हरव दावआ डि अर ओन्सोलनि मेक सहराव मोनसे सना जावखों जायगानि बाइजोआव जायो, जेराव बासफोरजों मावसुमाफोरखौ



लानानै थांबाय थायोमोन। दासिमाव बे बासफोरव बेसेबां दावबायारि गाखोदोंमोन बेनि सोमोन्दै रोखायै फोरमायनो हाथाखे। मेत सहरनि अलखद सामलायग्रा एजेन्सिआ बुधबारखालि मोनसे फेसबुक परस्टआव बुंदोंदि, जोखोम जानायफोरखौ देहा फाहमसालिआव लानानै थांनाय

जाबाय, जायफोरनि गेजेराव सासेनि थासारिआ गोत्राब होनानै मिथिहोदों। एजेन्सिआ मिन्डानाअ द्वीपआव थानाय थासारिखौ गोत्राब होनानै फोरमायनाय जादों। एजेन्सिआ मिन्डानाअ द्वीपआव थानाय मेकनि दरबा गामिफोरखौ खालि खालामनो बिथोनबो फोसावदों। माहारियारि अलखद सामलायग्रा एजेन्सिनि

अन्जिमनिफ्राय मिथिनो मोनोदि, सा-सान्जा मौसुमी बोथोर आरो खम नारसिन्थायनि मोनसे ट्राक लाइननि जाहोनाव 28 जानुवारिनिफ्राय 2 फेब्रुवारिसिमाव खोला मिन्डानाअ ओन्सोलाव गोबां अखा हायो, जायनि फिथाइ महैरै ओन्सोलाव गिखंथाव दै बाना आरो हा गिसिखानाय जाथया जायो।

(□ 1 विलाइनिफ्राय)

## मिचिं इउथ फेस्टिभल खुंनो थाखाय गिबि ...

असमियाफोरनि सिनायथिखौ गोखोंसिन खालामनाय आरो रइज्योनि समाजआरि थासारिखौ गोखों खालामनायाव मैथोम बिहोमा होबोदों। गिबि मन्थिआ बुंवावदोंदि, मिचिं हारिनि सुबुंफोरखौ आहमफोर रइज्यो सरकारनि गोजौ थाखोनि मावख'गिरि मासिफोरव थिसन्नाय जादों। आहम खुंथायनि समाव मिचिं हारिनि गोबां सुबुंफोर मावख'गिरि महैरै खामानि मावनायनि खाबु मोनो हादों। मिचिं हारिआ आसामनि शराइघाट आरो बार्मिस दावहानि समावबो गावसोरनि गोखोंथिखौ दिन्थिदों। मिचिं हारिनि सुबुंफोरनि गेजेराव गावजों-गाव अनलायनाय, गोरोबलायनाय आरो खौसेथिनि बान्दोखौ गोखोडै लाखियो। मिचिं हारिनि गोबां दैदनिगिरि सुबुंफोर गुबुन गुबुन समाजआरि आफाद गौथुमफोरजों बिबान रुजुनानै रइज्योनि समाजआरि रंखांन्थियारि, सोल्लोथायारि गासै बिथिडव खामानि मावबोदों। मिचिं लाइमोन फोबों एबा मिचिं इउथ फेस्टिभलआ हारिनि गेजेराव खौसेथि आरो गोरोबलायनायनि फासै नेसोनंथि बे फोबोंनि गेजेराव हारिनि आरो समाजनि गेजेराव गोरोबलायनाय आरो खौसेथिआ गोखोंसिन जादों। गिबि मन्थि उ शर्माआ बुंवावोदि, आसाम सरकारआ रइज्योनि गासै ट्राइबेल हारिफोरनि रव, हारिमु थुनलाइ गासै बिथिडव समानै जौगाखानायनि थाखाय मॅनाय गैयै खामानि मावगासिनो दड। थांनाय 1 जानुवारिखालि केबिनेट मेलआव आसाम सरकारआ मिचिं अट'नमास काउन्सिलनि संबिजिआरि मरजादा जगायनायनि थाखाय मिरु सरकारनो मोनसे आर'जलाइ दैथायहरदों। संबिजिआरि मरजादाखौ मोफुंनो हायोब्ला फेबाय थानाय समफोरव मिचिं हारिनि थाखाय बांसिन जौगानाय मोनो हागोन आरो मिचिं हारिनि थांखि आरो मिजिंफोर जाफुंसारनो हागोन होनानै गावनि बिबुंथिनि गेजेरजों गिबि मन्थि उ शर्माआ फोरमायो। बेनि अनगायैबो गिबि मन्थिआ फेगौ बोसोरनिफ्राय मिचिं इउथ फेस्टिभल खुंनो थाखाय बोसोरनिफ्राय आसाम सरकारनि हारिमु अन्साइ बिफाननिफ्राय 1 कौटि रं अनुंथाय होनो खोथा होयो। दिनेनि बे हाबाफारियाव गिबि मन्थिआ फेगौ लोमोसे आसामनि केबिनेट मन्थिफोर- उ रज पेगु, जयन्त मल्लह बरुवा, सन्जय किशान, एमपि प्रदान बरुवा, आसाम आइन आफादनि सोद्रोमाफोर- भुवन पेगु, नब दले, भुवन गाम, मानव देका, मिचिं अट'नमास काउन्सिलनि गहाइ मावफुं सोद्रोमा परमानन्द साइंगियामोनजों लोमोसे गुबुन गोबां गोजौ थाखोनि दैदनिगिरिफोरबो बाहागो लादोंमोन।

## गगामुखआव लुफुंथाय रंग थि फोरोंथाय ...

गायसनायनि थांखि लानाय जायो। बेनि गेजेरजों रंजिस्ट्रेसन गोंना लुफुंथाय मावफारियाफोरनि रंग थि बांहोनाय, लुनाय उद्यमआव फोरोंथाय मोन्नायफोरखौ मावफारियानिफ्राय नायदिगिरिसिम फेजोखोंनाय, सोल्लोसाफोरखौ थिसनजाथाव लुफुंथाय रंग थि फोरोंथाय होनो थांखि लानाय जादों। बेनि लोब्बायै खुंनाय हाबाफारियाव गिबि मन्थि उ शर्माआ बुडोदि, दिने रइज्योआव लुनाय खामानिफोर गोखेंयै सोलिबाय थानायनि थाखाय थिसन्थायनि खाबुआ गोबां बांदों। जौनि लाइमोन जोलैनि रंग थिया बाइइ थानायनि थाखाय बिसोरो बाह्याव बाइइ दानबान्थाजों खामानि मावनो गोंना जादों होना मख'नायै गिबि मन्थिआ बुडोदि, गोदान मुगायारि कारिकरि बिथिडव दिने सोलायनाय फेदों आरो जौनि लाइमोन सॅन्ना-सिख्वाफोर बे बायदि बिथिडव ज्ञान लनो थाखाय नाजानांगौ। बिथाड बुंवावोदि, थोजासे कारिकरि ज्ञान लायोब्ला जौनि हादतल' नड गुबुन हादतआवबो जौगा हारिनि दानबान्था मोनो हागोन। बेनि थाखाय रइज्यो सरकार एल एन्ड टिनि हेफाजावजों रइज्योआव लाइमोन सॅन्ना-सिख्वानि रंग थि बांहोनाय थाखाय नाजानौ होनानै बिथाड बुडो। गिबि मन्थिआ बुडोदि, दिने समाजनि गासैबो दिगआव सोलायनाय फेदों आरो खामानि मावनाय सुलुड समाजाव सन्नाय मोनो हादों। गिबि मन्थिआ बुडोदि, ज्ञान लानो नाजयोब्ला थिसन्थायनि खाबु मोनो हागोन। लोमोसे स'लार रुफ ट'प फोरोंथाय होनो थाखाय एल एन्ड टिखौ बुंनाय जादों। फेगौ बोसोरनिफ्राय बे बिथांखिखौ मावफुंनाय जागोन आरो फोरोंथाय गोंना लाइमोनफोर थिसन्थाय मोन्नायनि खाबु मोनो हागोन होनानैबो गिबि मन्थिआ बुडो। श्रमजों मावथि लाइमोन समाज दाफुंनो नांगोन होना गिबि मन्थिआ बुडोदि, धेमाजिआव गायसन्नाय बे मिरुनि गेजेरजों 90 साननि फोरोंथाय मोन्नायनि उनाव एल एन्ड टिआ थिसन्थायनि खाबु हागोन। गिबि मन्थिआ बुंवावोदि, धेमाजिनि उनाव नलबारि आरो जह्रातआवबो बे बायदि मिरु लुनो थांखि लानाय जादों। बिथाड बुंवावोदि, रइज्यो सरकार रिस्कल मुलुगसोल्लोसालि गायसनो थाखाय थांखि लादों। रइज्यो सरकार सरकारि साखि थिसनो थाखाय थांखि लादों। बेजों समानेनो खामानि गैजायैनो थिसन्थाय होनो थाखाय सरकार बे बायदि कारिकरि ज्ञान होयानि गेजेरजों मोनसे थिसन्थायारि बारहावा जागयजन्दे होनानैबो गिबि मन्थिआ बुडो। गिबि मन्थिआ ग'गामुखनि लुफुंथाय रंग थि फोरोंथाय मिरुखौ बेखेवनायजों लोमोसे मिरुखौ नायगिदिनानै एल एन्ड टिनि बिबानगिरिआ दिहुन्नाय पावार पइन्ट प्रेजेन्टेसननि गेजेरजों फोरोंथाय हाबाफारिनि सायाव सुलु लायो। बेनि अनगायैबो गोदाने लुनाय रंग थि फोरोंथाय मिरुजों लोब्बा लाखिनानै रंग थि सांग्रंथियारि हाबाफारिनि थाखाय गंसे दावबायारि गारिखोबो बेखेवनायै होयो। दिनेनि बे हाबाफारियाव सोल्लोथाइ बिफाननि मन्थि डा: रज पेगु, रंग थि थिसन्थाय बायदि बिफाननि मन्थि जयन्त मल्लहबरुवा, मावफारिया अन्साय बिफाननि प्रिन्सिपाल सेक्रेटारि के कल्यान चक्रवर्ती, मिर्सि गावखुंथाय हायुनि मावफुं सोद्रोमा परमानन्द सायेडिया, देउरि गावखुंथाय हायुनि गहाइ मावफुं सोद्रोमा भैरव देउरि, सन'वाल कसाय गावखुंथाय हायुनि गहाइ मावफुं सोद्रोमा तंकेस्वर सन'वाल, एल एन्ड टिनि कनस्ट्रूसनि लुनाय रंग थि फोरोंथायनि गोजौ थाखोनि बिबानगिरिजों लोमोसे माखासे मेलेमजिबि सुबुंफोरबो बाहागो लायो।

## कक्राझारआव जथुम्मा 3.0 लाइमोन ...

लायनाय जादों। बे हाबाफारियाव बिटिआरनि गुबुन गुबुन ओन्सोलनिफ्राय सा 100 नि बांसिना जाफुंसार लाइमोन इन्ट्रानेसॉफेर बाहागो लावदों। बे जथुम्मा 3.0 लाइमोन कनक्लेभनि जोबथा हाबाफारियाव गहाइ आलासि महैरै बिटिआरनि गहाइ मावफुं सोद्रोमा उइल्सन हान्साआ बाहागो लायो। लोमोसे कक्राझार मिउनिस्पल बर्डीनि मासिगिरि प्रतिभा ब्रह्म, नेडान फाउन्डेसन एनजिअनि बिथोनगिरि दिगाम्बर नार्जिरि, एसइडि बिटिआरनि बोसोनगिरि रज्जन के बरुवामोनजों लोमोसे गोबां लाइमोनफोर बाहागो लादों। बे हाबाफारिनि लोब्बायैनो जायगायारि गोबां लाइमोनफोर गाव-गावनि गोबां मुवा-बेसाद दिहुन्थाय, आखायजों दानाय-लुनाय बायदि बायदि रोखोमनि आइजें-आइलाफोरखौ दिन्थिफुंनाय जादों।

## बर'नि राफोद मिउजिक एरेन्जार आरो हारिम..

जिल्लानि बेलगुरि सास्त्रपारा गामिनि तपेश्वर दैमारिआ दिने सान्जौफु समाव हरखाबै जिउ गोमायो। बिथानि अबथियारै जिउ गोमानायाव बर' सावथुन मुलुग आफाद आरो हारिमु सिबिनायनि हाबाफोर गोबाडै-नो आद्रा जानानै थालाबांवा। बिथानं दैमारिनि रंसारि जिउमाया सोगोंयाव आलो-गोजोने जायगा मोनहानौ, बेनि थाखाय अबं लाउरिनाव आर'ज गाबनायजों लोमोसे बर' सावथुन मुलुग आफाद BCAA निफ्राय गावसोरनि गोथौ दुखु मोन्नायखौ बे दुखु रादाबनि गेजेरजों आफादगिरि फुंखा महिलारी आरो गहाइ नेहाथारि गुरु पबित्र बर'मोनहा फोरमायहरदों।

(□ 1 विलाइनिफ्राय)

## चापरआव लामानि जाब्रबथायाव सासे पुलिस बिबानगिरिनि ...

नायबिजिनो थाखाय सिप्रोमनाय हाबाफारि लादोंमोन। बे समावनो बडाइगाव जिल्लानि झादुकुवानि लाइमोन आरो 10 थाखोनि फरायसा मिजों आलमआ गंसे नम्बर गैयै पालसार मटर साइकेलजों गोबांरै फेबाय डडनमोन। गारि-मटर पुलिसआ लाइमोनखौ लाखिनो बिथोन होयोब्लाबो लाइमोनआ खारखुमा लानो नाजायो। नाथाय लाइमोनआ गावनि गारिनि सामब्लायाथय खोमानानै पुलिस बिबानगिरि इतिथौ सौखानायजों लोमोसे गंसे इ-रिक्सायाव सौग्रावहैयो। जाउनाव चापर पुलिस थानानि बिबानगिरि दिफज्यति इतिजों लोमोसे मटर साइकेल सालायगिरि मिजें आलमआबो गोत्राबै जोखोम जायो। उनाव जायायाव थानाय पुलिस जवानफोर पुलिस बिबानगिरिजों लोमोसे लाइमोनखौ चापर देहा फाहमसालियाव थिसनहैयो। गुदि फाहमथाय होनायनि उनाव पुलिस बिबानगिरिआ गोत्राबै जोखोम जानायनि थाखाय जौगा थाखोनि फाहमथाय होनो बडाइगावसिम दैथायहरो होनानै मिथिनो मोन्नाय जादों। सासे 10 थाखोयाव फरायबाय थानाय फरायसाआ लाइसेन्स गैया लासेनो हेल्मेट हमालासेनो हाथाय ओन्सोलाव गोबांरै गारि सालायनानै गावजों लोमोसे गुबुननि जिउनि फासै खैफोद लाबोनायखौ गोलैयै लानो हायाखै चापरनि रइजो-राजाफोर। चापरनि रइजो-राजाफोर बे बायदि बाइकासनि हेंथायै गोखों लानो थाखाय खुंथायनिमिम दावि देखांदों।

## खारिजा बिजनीआव डक बिफाननि मावफारियाआ गोमादों

मख'नो गोनांदि, खारिजा बिजनीनि सिडव थानाय उदालगुरि परस्ट अफिसनि मावफारिया लावदांगुरि गामिनि थागिरि दालिम चौधुरी मुंनि सुबुड थांनाय शनिबानरनि फुनि 9.30 रिगायाव साइकेलजों गावनि न'निफ्राय 5 किल'मिटर गोजानाव थानाय गावनि मावखुलियाव थांनाय समनिफ्रायनो गोमानानै दड'। बे खौरंखौ लिरनाय समसिम गोमानानै थानाय दालिम चौधुरीनि जेबो खोरं मोनो हायाखै।

गोमानानै थानाय दालिम चौधुरीखौ बहाबाफोर नुसनोब्ला 6382140779 मबाइल नम्बरआव फोनांजाव खालामनो थाखाय रइजो-राजाफोरखौ नख'रा खावलायहरदों।

## आसामआव बावैसोनि गेजेरावनो इउनिफर्म सिभिल कड ...

आजावनायनि बाथ्रा। लोमोसे आसामआवबो बाहायजासिगोन 'दरसे हादत मोनसे आइन' आरो समान मोन्थायनि आइन। इउसिसि थिसन्नायनि उनाव आसामआव धोरैमनि बिथायाव आइनायारि राहा थानाय नड। गासैबो नोगोरारिफोरनि थाखाय मोनसेल' आइन जासिगोन। इउसिसि आइनआ बाहाय जायोब्ला मुसलिम पार्स'नेल ल' आरो हिन्दु ल' रहाफोर थानाय नड होनानै मिबथिनो मोन्नाय जादों।

## गं 10 फरायसालिनि सा 26

## आदार संग्राफोरनि गेजेराव ...

गुबुन दिगआव गाव-गावनि संनाय-खावनाय आदबजों फरायसालिनि फरायसाफोरनो सानजौफुनि आदार जाहोनायै संनायनि बिथिडव मोनो हानाय रंग थिनि थाखाय बे हाबाफारिखौ खुंदों। दिने भलाबारि मन्दल फुंखा मिरुआव क-अडिनेटर जयन्त डेकानि दैदेन्नायाव बे बादायलायनायखौ भलाबारि सरकारि गुदि फरायसालियाव खुंनाय जायो। बे बादायलायनायनि थाखाय साथाम बिजिगिरिफोर ओन्सोलारि जाग्रा आदारनि गोथाव-थावैनि बिथायाव सायख'यो। बे हाबाफारियाव उदालगुरि जिल्लानि फोरोंगिरि फोरोंथाय मिरुनि गोरयुं हिमालिनि बरुवा, भलाबारि गोजौ फरायसालिनि आजिरि मोन्नाय गहाइ फोरोंगिरि केशव सहरिया, उदालगुरि जिल्ला फरायसा आफादनि गहाइ नेहाथारि माधुज्य शर्मा मोनजों लोमोसे मन्दल फुंखा मिरुनि क-अडिनेटरआ बाहागो लायो। गुबुन फासैथि, बिजिगिरि महैरै कलाइगाव प्रेस कलाबनि आफादगिरि तंकेस्वर बरुवा, कलाइगाव गोजौ गेजेरारि फरायसालिनि आजिरि मोन्नाय गहाइ फोरोंगिरि बिनु डेका आरो उदालगुरि जिल्लानि फोरोंगिरि फोरोंथाय मिरुनि गोरयुं हिमालिनि बरुवा। बे हाबाफारि आलारि बाथि फोजोनानै होयो एफएलएननि कनसालटेन्ट सुभाष रभाआ। बे बादायलायनायाव भलाबारि एम इ माद्रासाआ गिबि, भलाबारि सरकारि गुदि फरायसालिआ नैथि आरो तियापुखुरि 621 नं फरायसालिआ थामथि मासियाव देहासारनो हायो।

(□ 1 विलाइनिफ्राय)

## एनटिपिसि बडाइगाव आरो आइअसिएल बडाइगाव रिफाइनारिनि गेजेराव गोरुबथा ...

मावनायनि बाहागोखौ बांहोनायनि थाखाय गोनांथि होनानै खामानि मावनो थांखि लानाय जादों। बिथाड बुंवावदोंदि, आइअसिएल रिफाइनारि बडाइगावजों लोमो जानाय जौनि मावफारियाफोर, स्टेप हल्डर आरो आथिखालनि ओन्सोलनि रैखाथि आरो मोजों हास्थायनायनि थाखाय जौनि बाउसोमनायखौ दिन्थिदों। लोमोसेयैनो गहाम हास्थायनायखौ रोखा खालामनो थाखाय आरो जौनि खैफोदनि गोहोमखौ बाइइ खालामनो आरो खामानिफोरखौ रैखाथि होनो थाखाय मॅनाय गैयै खामानि मावगोन होनानै एनटिपिसि बडाइगावनि बिजिनेस इउनिट हेड करुनाकर दासआ फोरमायो। हाबाफारियाव बाहागो लानाय आइअसिएल बडाइगाव रिफाइनारिनि इडि आरो रिफाइनारि हेड नयन कुमार बरुवायाबो बे गोरुबथा खालामनाय फिथाइ गोंनां जागोनखौ मिजिंथनाय फोरमायदों। बिथाड बे गोरुबथानि गेजेरजों जायखि-जाया हरखाब खैफोदनि समाव सुबुंफोरखौ हेफाजाव होनायनि बेलायाव हरखाबै सान्थि थिसन्नाय, गोंनां आगजुफोर जगायनाय, गोनांथि जानाय गासै हेफाजावफोरखौ जगायनायनि थाखाय मुलाम्फागोंनां जागोन होनानै फोरमायो। बे गोरुबथा खालामनाय हाबाफारियाव आइअसिएल बडाइगाव रिफाइनारिनिफ्राय जिएम (आइसि-एइसआर) केसि दैमारि, जिएम पल्लव नाथ, सिटिएएसएम अनिरबान चान्दा, एसइएसएम सन्दिप दास आरो एनटिपिसि बडाइगावनिफ्राय जिएम (मेन्टेनेन्स) इन्दुरि एस रेड्डु, जिएम (अपरसन) आसुतप बिश्रवास, डिपुटि कामान्डेन्ट सिआइएसएफ आशिष कुमार, एजिएम परेस मादुर, एजिएम अन्करनाथ, एजिएम पभेल सरकारआबो बाहागो लादोंमोन।

## राइज्यो सभायाव राहुलखौ गोखों रावजों गाग्लोबदों गहाइ मन्थिआ

रावजों गाग्लोबनानै सोरलां-फोरलां खालामदों मदिआ। रेहाय होयाखै राहुल गान्धीखौबो। बिथाड बुडो, 'रोखोमसे प्रडावखौ खेबले-खेबले लन्स खालामनायनि बिजाउनयाव कंग्रेसनि दखाना बन्द जानायनि लामायव।' बे रोखोमैनो दिने बुधबारखालिबो रइज्यो सभायाव फिन खेबसेबाव राहुल गान्धीखौ गोखों रावजों गाग्लोबफिनो गहाइ मन्थि मदिआ। सोनाब बंग'नि गिबि मन्थि ममता बेनार्जीनि बिबुंसारखौ हाथियार महैरै बाहायनानै गहाइ मन्थिआ बुडो, 'लकसभा बिसायख'थियाव कंग्रेसआ मोन 40 मासि मोनोब्लानो गोबांथार जागोन।

राइज्यो सभायावबो मदिआ कंग्रेस आफादगिरि मल्लिकार्जुन खड्गेखौ गाग्लोबनानै बुडो, लकसभायाव रंजानाय गैयै जानाय समाव बिथाड सुफुंदोंमोन होनानै खड्गेनिमिम साबायख'र होयो। मिबथिनो मोन्नाय बायदिब्ला, इउपिप खुंथाय समाव रंखांन्थियारि गेनाखौ लानानै सांग्रां जादों मदि सरकारआ। बेखौ लानानै सोलिफु बाजेट जथुमनि समफारिखौ आरोबाव फोलावबावनो हागौ होनानै बुंनाय जादों। 2004 निफ्राय 2014 सिम मिरु सरकारनि खुंथायाव दडमोन कंग्रेस दैदेन्नाय इउपिप जुथाय हान्जाया। बे समाव गहाइ मन्थि बिबानाय दडमोन मनमहन सिं। 2014 माइथायाव बिजेपि दैदेन्नाय एनडिए हान्जाया गोहोयाव फेयो। गिबि खेबनि थाखाय गहाइ मन्थिनि मासियाव जिराय फेयो नरेन्द्र मदिआ। बेनिफ्रायनो 2019 नि लकसभा बिसायख'थियाव गोबांथार भटनि फारागथियाव देरहाबावयो बिजेपियानो।

## शुकानजुलि फायारि रेन्जआव सासे सुबुंनि ...

बमा बेरफुहोनायनि फोरोंथाय सोलिदोंमोन। सानजौफुनि 11.45 रिगायाव दरंगामेला पुलिस थानानि सिडव थानाय हरटला गामिनि रंसारि सुप्रम नार्जरीनि फिसाज्ला खेम्प' नार्जरी (32)आ फोरोंथाय सोलिबाय थानाय समावनो रेन्जनि सिडव हाबहैनानै रेन्जनाय बमानि बाहागोखौ बुधुमोन हम्मो। रेन्जनि सिडव 81 मटर बमानि मोनसे बाहागोखौ मोनानै बमाखौ बुफायनो नाजानाय समावनो बमाया बेरफुनायनि जाउनाव खेम्प' नार्जरीआ जायगायावनो जिउ गोमायो। बे खौरंखौ मोन्नायनि उनाव दरंगामेला पुलिस थानानि पुलिस हान्जाया जाथायथिलियाव नुजाथिहैनानै गोथै सहरखौ बोखानानै पुलिस थानासिम लानानै थाडो आरो परस्ट मट्टेम आन्जाद खालामनो थाखाय दैथायहरो।

## कक्राझारआव बनसुनि नैथि गायसन्थाय सान...

निजोम गोना ब्रह्मआ बुडोदि, बर'फोर दिनेसिम मोनथाम गोरोबथा खालामनाय, गिबियाव बड'लेण्ड अट'नमास काउन्सिल (बिएसि), नैथियाव बड'लेण्ड टेरिट'रियल काउन्सिल (बिटिसि) आरो थामथि बड'लेण्ड टेरिट'रियल रिज'न (बिटिआर)। नाथाय दिनेसिमबो आलादा बड'लेण्ड रइज्यो मोननो हायाखै। बेनिखायनो बड'लेण्ड सोमावसारनायनि मुन्खंनै खाम्फानि सिगाडव समाय लानानै दाफुंनाय बनसुआ आलादा बड'लेण्ड रइज्यो दाफुंजानायसिम आलादा बडनलेण्ड रइज्यो दाबिनानै सोमावसारनांगोन होनानैबो बनसुनि बिबानगिरिआ हुमरिख होयो। बिथाड दिने गायसन्थाय सानाव खुंनाय मोनसे मावफुं मेलाव उननि हाबाफारिफोरखौ आजावगोन आरो बे बादिदैयै गावसोरनि हाबाफारिखौ मावफुंलांगोन होनानै मिथिहोयो। बर'फोर 1967 माइथायनिफ्रायनो आलादा बड'लेण्ड रइज्यो दाबिबोदों बेनिखायनो बे थांखिजोंनो दावगालांगोन होनानै बिथाड बुडो। बिटिआर गोरोबथानि गेजेरजों बर'फोर जेबो मोनारखै होनानैबो बिथाड अउद देखाडो। गुबुन फासैथि, गायसन्थाय सान फालिथायाव बाहागो लानानै पञ्चसि उ मंगलसिंह हाज'वारीआ खौरं बिजोनि सिगाडव बुडोदि, बड'लेण्ड रइज्यो दाबिनानै सोमावसारनाया मोनसे समाव दिदोम जादोंमोन, दानिया बनसुनि दैदेन्नायाव फिन सांग्रां जाफिन्दों। बिथाड गासैबो बर' रइडो-राजा आरो फरायसाफोर ज' जानानै सोमावसारोब्ला सानसे जाफुंसारगोन होना फोरमायनानै बेनि थाखाय सोमावसारनायनि खारथायखौ गोखों खालामनानै रइजो-राजाफोरखौ सांग्रां खालामनानै खामानि मावलांनगोन, अब्लानो जाफुंसारगोन होना मिजिंथिनो हायो आरो बे मिजिंथि लानानै खामानि मावलांनगोन। बिथाड जाखोंबोनाय फरायसाफोरजों लोमोसे गुबुन गुबुन हारि-माहारिनि रइजो-राजाफोरखौ ज' जानानै सिगांबोयोब्ला सानसे नड सानसे बड'लेण्ड रइज्यो दाफुंजागोन होनानै फोरमायो।

## बोथोर बिफाननि सांग्रांथि, आसामनि दर 10...

सांग्रांथियारि फोसावदों। बेराफारसे, गाबोन बृहस्पतिबारखालि मरिगाव, हजाइ, नगाव, सोनाब कार्बि आंलं, कामरुप, दरं, नलबारि, उदालगुरि आरो धुबुरीयाव गोखोंथार अखा हागोन होनानै गोमो गावनि सांग्रांथियारि फोसावदों।

## अटिटिआव माखासे सावथुनफोरखौ नायनानै भेलेन्टाइन सानखौ वारिसिन रमान्टिक खालामनो खाबु मोनगोन

बलिउडआ जेब्लाबो रमान्टिक सावथुनफोरजो गादबजानाय। रमान्टिक सावथुनफोराव नुजानाय अनस्क्रीन जराफोरा सुबुफोरखौ जोबोद रंजाहोदों। गोबानि थाखाय वे सावथुनफोरा थुलुंगा जादों। एखे समावनो गोबां सुबुफोरा सावथुन नायखानायनि उनाव गावसोरनि मोजां मोन्नायखौ सावथुनारि मोन्दांथि होदोंमोन। भेलेन्टाइन सप्ताहनि सौफेनाया बेबादि थासारियाव गोबां रमान्टिक बलिउड सावथुनफोरा मोजां मोनफाफोरनि जुनिया सानफोरखौ आरोबाव बांसिने समायहोनो हागौ। 'दिलवाले दुल्हनिया ले जाएंगे' आ रमान्टिक सावथुनफोरनि फारिलाइआव गोजौसिनाव दं। वे सावथुनआव शाहरुख खान आरो काजलनि जराया राज-सिमरननि रमान्खौ मोनसे आबु महराव दिन्थियो। सावथुननि स्टप कास्टआव अमरीश पुरीआबो रंफायोमोन।



नोंथाड बेखौ प्राइम भिडिआव नायनो हागोन। सावथुन 'हम आपके हैं कौन' आबो मोनसे रमान्टिक सोमोन्दोखौ दिन्थिनाय मोनसे मोजां सावथुन। प्रेम आरो निशानि रमान्खौ नोंथांखौ बे सावथुनाव दोहौ सोमजिगोन। सलमान खान आरो माधुरी दीक्षितनि बे सावथुना भेलेन्टाइन वीकनि थाखाय थार सायख'नाय।

नोंथाड बेखौ जि-5 आव नायनो हागोन। श्रद्धा कापुर आरो आदित्य रय कापुरनि आशिकी 2 सावथुना रमान्टिक सावथुनफोरनि फारिलाइनि सावसिन सावथुनफोरनि गेजेराव मोनसे। राहुल आरो आरहीनि आन्दायनाय मोजां मोनलायनायनि सल'आ ओरेबायदि बिन्दोआव जोबहैयो, जाय नोंथांखौ गोबां गाबहोगोन।

सावथुनाव जरानि गेजेराव गोबां रमान्खौ आरो मोजां मोनलायनाय जायो। सावथुन 'आशिकी 2' खौ एमाजन प्राइमआव मोनो होयो। सावथुन 'रहना है तेरे दिल में' आव आर माधवन आरो दिया मिर्जानि रमान्खौ गेजेराव सैफ आलि खाननि हाबनाया बेखौ बांसिन गोसो बोनों हानाय खालामो। सावथुननि मेथाइफोराबो

भेलेन्टाइननि थाखाय गाहाम। नोंथाड बे सावथुनखौ एमाजन प्राइमआव नायनो हागोन। 'मोजां मोन्नाया खालि मोननायल' नड, नाथाय जेननायनिबो बाश्रा। मोजां मोनलायनायाव नेनाय दं आरो थार नाजाथाबनायबो दं। 'वीर-जारा' नि बे डायलगा बायदि सावथुना मोनसे आबु नडे मोजां मोनलायनायनि सल' दिन्थियो। शाहरुख खान आरो प्रीति जिन्टानि मोजां मोन्नाया सावथुनाव थांखिसिम सौहैयाखै। नोंथाड बे सावथुनखौ एमाजन प्राइमआव नायनो हागोन। शाहिद कापुर आरो करीना कापुर खाननि बे सावथुना बलिउडनि रमान्टिक कल्ट सावथुनफोरनि फारिलाइआव दं। बेनि सल'आ मोनसे र'लक'प्टर राइडनिफ्राय खम नड। सावथुना नोंथांखौ मिनिहोनो आरो गाबहोनायाव जाफुंसार जानो हादों। नोंथाड बेखौ (नेटफिलिक्स) आव नायनो हागोन। चेतन भगतनि सल'मा' 2 स्टनि सायाव बिथा खालामनाय बे सावथुनाव आलिया भाट्ट आरो अर्जुन कापुरआबो फाव खालामदों। सानैबो मोन्ने गुबुन गुबुन राइज्योनि। सानैबो फरायसालिमायाव लोगो मोनो आरो फिन सानैनि गेजेराव मोजां मोनज्जायो। सानैबो माबोरें हाबानि थाखाय नख'रखौ फोथायहोयो बेखौ सावथुनाव दिन्थिनाय जादों। नोंथाड बे सावथुनखौ डिन्जी+ हस्ट्याराव नायनो हागोन।

## एनिमेलनि दिथागिरि आरो आमिरनि खाननि वारग'

### बिसिनि गेजेराव मोनसे गोदान दान्थे-बिदान्थे सोमजिदों



एनिमेल सावथुननि दिथागिरि आरो आमिर खाननि वारग' बिसि किरण रावनि गेजेराव मोनसे गोदान दान्थे-बिदान्थे सोमजिदों। सानैबो मोनसेनि उनाव मोनसे बिबुंथि होनाय नुनो मोनो। गावसोरनि सावथुनफोरखौ रंखा खालामनायनि गेजेराव सानैबो गावजों गाव गोबां बिबुंथि होदों। सानैनिबो बावैसोनि बिबुंथिफोरा जोबोद भाइरेल जागासिनो दं। आधिखालाव बे गासैबो बाश्राया मा, बेयो माबोरें जागायजेन्दोंमोन आरो सोर गिबियाव जागायजेन्दोंमोन बेफोरखौ सुबुफोरा मिथिनो लुबेदों। बेनि जागायनाय किरण रावनि मोनसे बिबुंथिजों जादोंमोन, जेराव बिथाड 'कबीर सिंह' एबा 'बाहुबली' बायदि सावथुनफोराव रोखायै मुं लायाजासे फिनजाथाय होदों आरो बुंदोंमोनदि, आधिखालाव सावथुनफोर बानायजागासिनो दं, जाय आयजोफोरनि बेरेखा। बेफोर सावथुनफोराव आइजोफोरनि फारसे सुगोनाय

दिन्थिनाय जादों। सन्दीप रेड्डी वांगाया गावनि मोनसे मोगा-मोगियाव किरण रावनि बे बिबुंथिनि सायाव फिनजाथाय होदों आरो सन्दीप वांगाया किरण रावखौ सोंखारिदों। आमिर खाननि सावथुनाव गोरोन्थि नागिरनानै बिथाड किरण रावखौ गावनि फिसायनो बुजायनो बिथोन होदों। आमिर खाननि रमान्टिक सावथुन 'दिल' खौ मखनानै बिथाड गोख्रोडै बुंदोंदि, जुदि किरण रावहा माबाफोर सान्नाय दं अब्ला बिथांजोआ बेखौ आमिर खाननो मखनांगौ जेराव गाहाइं फावखुंथिखौ 'खंबा' बुंनाय जायो। बबेखानि वांगानि फिनजाथाया बांसिन दान्थे-बिदान्थे गोनां महर लादोंमोन जेब्ला बिथाड किरण रावखौ 'बै आइजो' आरो 'सुपारस्टारनि वारग' बिसि महरै मखदोंमोन। भांगानि बिबुंथिया भाइरेल जादों आरो सुबुफोरा बिथांखौ बेबादि बुंनानै लूल खालामनो हमदोंदि, बिथांहा आखल-आखु गैया। बे बिबुंथिया भाइरेल जानायनि

उनाव 'लपाटा लेडीज' नि दिथागिरि किरण रावआबो बेनि सायाव फिनजाथाय होदों। बिथाड बेखौ हेंथा होनानै बुंदोंमोनदि, बिथाड थि सावथुनफोरखौ मख'आखै। बेजों लोगोसे, किरण रावआ बुंदोंमोनदि, सन्दीप वांगाया गावनि गोसोआव सानदोंदि, बिबो बिथांखौ थांखि खालामगासिनो दंमोन। गुबैयै आमिरआ बै माखासे सुबुफोरनि गेजेराव सासे, जायखौ आं मिथिगो, जाय मिस्टार वांगाया 'खंबे जस्सी खादी है' आरो बेबादि गुबुन सावथुनफोरनि थाखाय जुनियायै निमाहा बिदोंमोन। जोबोद बाइड सुबुफोर दं, जाय गावसोरनि खामानिखौ नायफिनो आरो हमदोंनो हायोदि, बेयो गोरोन्थि आरो बेबादि खामानिनि थाखाय निमाहा बिबो। रावआ बुडेदि, आं सानो बिबो (आमिर) बै सुबुफोरनि गेजेराव सासे, जाय सासे सोरजिलु सुबु महरै सिगांथिं आगान होनानै गावनि खामानिनि बिबानखौ लादों, जाय गोबां नायगिरिफोरजों रायज्जायो आरो बेयो थारैनो बाख्नायजाथाव। बे सावथुननायनि समाव, किरण रावआ बुंदोंमोनदि, आमिरनि सोंथियाव फै मानोना नोंथाड बेखौ दैखदोंमोन। जुदि नोंथाड सत्यमेव जयतेखौ नायो अब्ला थामथि सिजनआव मोनसे एपिसडदं, जेराव बिथाड थारैनो पितृसत्तानि बादे रायज्जायो। बेनिखायनो आं सानो बिथाड बै सुबुफोरनि गेजेराव सासे, जाय सासे सोरजिलु सुबु महरै गावनि खामानिनि बिबानखौ सासे सुबु महरै सिगांथिं आगान होदों, जाय गोबां नायगिरिफोरजों रायज्जायो।

थाखाय दायनिगिरि नड। बेनिखायनो आं लुबैयोदि, मिस्टार वांगाया गावनि सोंलुफोरखौ थोंजोडै मिस्टार खाननो बिबुंसार होयो। नोंथाड मिथिगो, गुबैयै आं सन्दीप वांगानि सावथुनफोराव जेबो बिबुंथि होआखै मानोना आं बेफोरखौ नुवाखै। आं गोबां समावनो आइजो गोरोन्थि आरो फै सालियाव आइजोफोरनि थान्देनि बादे रायज्जायबाय थादों। आं बेनि सोमोन्दे गोबां खेब गुबुन-गुबुन प्लेटफर्मफोराव रायज्जायखांबाय नाथाय आं माब्लाबाबो जायखिजाया सावथुननि मुं लायाखै मानोना बेयो थारैनो बबेबा मोनसे थि सावथुननि सोमोन्दे नड, बेयो थारैनो जेनाफोरनि सोमोन्दे आरो आं बेफोरनि सायाव रायज्जायबाय थागोन। आमिरनि बाश्रायाव फैफिननानै किरण रावआ बुंदोंमोनदि, आमिरनि सोंथियाव फै मानोना नोंथाड बेखौ दैखदोंमोन। जुदि नोंथाड सत्यमेव जयतेखौ नायो अब्ला थामथि सिजनआव मोनसे एपिसडदं, जेराव बिथाड थारैनो पितृसत्तानि बादे रायज्जायो। बेनिखायनो आं सानो बिथाड बै सुबुफोरनि गेजेराव सासे, जाय सासे सोरजिलु सुबु महरै गावनि खामानिनि बिबानखौ सासे सुबु महरै सिगांथिं आगान होदों, जाय गोबां नायगिरिफोरजों रायज्जायो।

## इशा देअलआ फिसायनिफ्राय आलादा जानायनि उनाव सानै फिसाजोफोरजों थागासिनो दं

धर्मन्द्द आरो हेमा मालीनि फिसाजो फावखुंथि इशा देअलआ हाबानि 12 बोसोर उनाव गावनि फिसायनिफ्राय आलादा जानो थिरांथा लादों। बिथांजोआ 2012 माइथायाव फालांगियारि भरत तख्तानीजों जुलि जादोंमोन। बिसोर सानैनिबो जुलि जानाय जिउआ जोबोद खुसिमोन नाथाय हरखाबै बिसोरनि आलादा जानायनि खौरांआ अनसायगिरिफोरखौ सोमोनांहोदों। इशा देअल आरो बिथानि फिसायना गावजों गाव गानायथिजों आलादा जानो थिरांथा लादों। बिसोरनिआ सानै फिसाजोफोर दं, दा सानैनिबो गाव-गावनि बिबान दं। अनसायगिरिफोरा सानगासिनो दंदि, सानैनि आलादा जानायनि उनाव फिसाजोफोरनि बिबानखौ सोर लागोन। इशा देअलआबो गावनि जथाय बिबुंथियाव बेनि सोमोन्दे रायज्जायदों। मोनसे जथाय बिबुंथियाव बिथांमोनहा बुंदोंमोनदि, बिसोर आलादा जानो थिरांथा लाबाय। जों



गावजों-गाव गावसालायनो थिरांथा लाबाय। बेखौ मानिना लानो हायोदि, जौनि जिउआव मोनसे गिदिर सोलायनाय फेगासिनो दं, नाथाय जौनि सानै गथ'फोरनि सावसिन मुलाम्फा आरो गाहामआ जौनि थाखाय जोबोद गोनांथार आरो थागोन। जों बेखौ बाखायगोनदि, जौनि प्राइभेसिखौ मान होनाय जायो। बे बिबुंथिनिफ्राय बेयो रोखादि, सानैबो आलादा जाबायब्लाबो सानैबो गाव-गावनि फिसाजोफोरखौ जैये जोथोन लागसिनो दं। सानैबो रोखायै बुडेदि, बिसोरनि लाभाया आलादा जानो हागौ नाथाय

फिसाजोफोरनि बिबानफोरा बयनिखुइबो गोनांसिन आरो बयनिखुइबो गोजौसिन। बे स्टार जराया गोबां समावनो सशेल मिडियाआव सावगाफिरफोरखौ शोयार खालामो। बबेखानि भरतआ 2023 माइथायाव इशा देअलनि जोनोम सान फालिनायनिफ्राय गोमादोंमोन। बेनि अनगायैबो सासे सशेल मिडिया बाहायगिरिया 17 जानुवारियाव रेटिटआव मोनसे पस्ट शोयार खालामदों आरो बेयाव बुंदोंमोनदि, इशा आरो भरतआ सिगांनिफ्रायनो आलादा जाखाबाय। मख'नो गोनांदि,

बिसोरखौ आधिखालाव राइजो-राजानि सिगाडव जयै नुनाय जाया। बाहायगिरिया गावनि पस्टआव दाबि खालामदोंदि, बिथाड गोदान बोसोरनि सानाव बेंगालुरुआव मोनसे पार्टीआव इशा देअलनि फिसाय भरतखौ नुदोंमोन, जेराव बिथाड गावनि साने अजद होजानाय गालफ्रेन्डजों दंमोन। बबेखानि इशा देअल नख'रनि रावबो दासिमबो बे भाइरेल खौरांनि सायाव फिनजाथाय होआखै। आधिखालाव जराया 10 बोसोरनिबो बांसिन सम मोजां मोनलायनायनि उनाव गावसोरनि आलादा जानायखौ रोखा खालामदों। इशा देअलआ जुन 2012 माइथायाव भरतजों जुलि जादोंमोन। बे जुलिखौ मुब्लानि इस्कन थानसालियाव जोबोद गोरलैयै खालामनाय जादोंमोन। जुलिनि बा बोसोरनि उनाव बे जराया सासे फिसाजो राध्यानि बिमा-बिफा जायो आरो बोसोर 2019 माइथायाव इशाया गावनि नैथि फिसाजो मिराया तख्तानीखौ जोनोम होयो।

## माहाम देहानि राहा

### गोथां मैथुआ बेगेंफोराव जमा जानाय इउरिक् एसिडखौ जानगार खालामो

इउरिक् एसिडआ जौनि गासैबो देहायाव मोन्ने हानाय मोनसे गात्रि मुवा। किडनीया इउरिक् एसिडखौ फिल्टर खालामो आरो बेखौ देहानिफ्राय बोखारो। नाथाय जेब्ला देहायाव बेनि बिबाड बांनो हमो अब्ला किडनीया इउरिक् एसिडखौ फिल्टर खालामनो हाया जायो, जायनि जाहोनाव नोंथानि देहायाव इउरिक् एसिड जमा जानो हमो। बेबादि थासारियाव, इउरिक् एसिड बांनानयनि जाहोनाव आधिंआव बुनाय जायो, जरायाव सानाया जागायजेनो आरो शुगारआ गोबां जायो, किडनीयाव अन्थाइजों किडनीनि खेफोदआ बाडो। बे बेरामा हाथुआव सानाया ओरेबादि बाडेदि, सिखारनाय आरो जिरायनायाव जेना जायो। बेबादि थासारियाव बे जेनाजों भुगिनानाय सुबुफोरा गोबां भिटागिन आरो खनिजफोर थानाय जाग्रा आदर जानांगौ। गोथां मैथुआ इउरिक् एसिड बेरामिफोरनि थाखाय जोबोद मुलाम्फा गोनां। फैजों नोंथांनो खोन्थादि नोंथाड बेखौ इउरिक् एसिड बोखारनायाव माबोरें बाहायो।



गोथां मैथुआ इउरिक् एसिड बेरामिफोरनि थाखाय जोबोद मुलाम्फा गोनां। गोथां मैथुआव भिटागिन-सी, एन्टी-अक्सिडेन्ट, एन्टी-इन्फ्लेमेटरी आरो बायदि गुनफोर थायो। मैथुआव थानाय फाइबरा इउरिक् एसिड बेरामिफोरखौ जरायाव सानायनिफ्राय रैखा मोननायाव मदद खालामो। गोथां मैथुआव थानाय 'पापेन'आ थैयाव इउरिक् एसिड बांनानयनिफ्राय होबथानायाव मदद खालामो। बेजों लोगोसे, बेयो प्रटीनखौ हजम खालामनायाव मदद खालामो। बेनिखायनो, बेनि बेरामिफोरा गावसोरनि आदाराव गोथां मैथुखौ लाफादेरनांगौ। देहायाव इउरिक् एसिडनि बिबांखौ सामलायनो थाखाय नोंथाड गुबुन-गुबुन रोखोमै मैथुखौ जानो हायो। नोंथाड फुडव गोथां मैथुखौ जानो हायो।

गोथां मैथुआ सावसिन थाखाय जोबोद मुलाम्फा गोनां। काढ़ा बानायनो थाखाय 2 लिटर दै फुदुंनानै थाइसे गोथां मैथुखौ फिसा- फिसा थुखा खालाम आरो बेनि सिनिफ्राय बेगारफोरखौ दिहनुनांगौ। बे थुखाफोरखौ गोदौनाय दैयाव 5 मिनिटसो रुनानै लानांगौ। बेनि उनाव बे दैयाव 2 सामुस ग्रेन टि होनानै रुनांगौ। बे काढ़ाखौ सानसेआव 3 निफ्राय 4 खेब जानायाव मुलाम्फा गोनां जानो हागौ। बेयो नोंथानि देहायाव इउरिक् एसिडनि बिबांखौ सामलायनो। बेजों लोगोसे नोंथाड गोथां पपीता मैगंखोबो जानो हागोन। (एन.बि: बे लिरबिदांआ सरसनस्त्रा फेरमायथिनि थाखाय, जायखिजाया राहा नाजावनायनि सिगां सासे डक्टरजों सुबुरुन लानाया गोनां)।

## सनम कापुरआ 35 बोसोर बैसोनि साड़ी गाननाय सावगाफिरफोरआ भाइरेल जागासिनो



बलिउडनि फावखुंथि सनम कापुरआ आधिखालाव सावथुनफोरनिफ्राय गोजानाव दं। 2019 माइथायाव फावखुंथिखौ जोबथा खेब फैसालियाव नुनो मोननाय जादोंमोन। जुलि आरो गथ'फोर मोन्नायनि उनाव बिथांजोआ सावथुनफोरनिफ्राय जानगाराव थादों आरो लन्दनाव गावनि नखरजों बांसिन सम हगारनो हमदोंमोन। फावखुंथिया गोबां फालिथाइफोराव भारतआव फैयो। बावैसो बिथांजोखौ गावनि लोगोनि हाबायाव नुनो मोन्दोंमोन। बे समाव बिथांजोखौ जोबोद समायना महराव नुनो मोननाय जादों। बिथानि गोजा साड़ीआ सुबुफोरनि गोसोखौ जै खालामदोंमोन। सनम कापुरआ जेब्लाबो गावनि फेशनजों सुबुफोरनि गोसोखौ जै खालामदों आरो फिन खेबसेबाव सुबुफोरखौ बाख्नायनो थाखाय नारसिनदों। सनमआ सशेल मिडियायाव जोबोद सांग्रां आरो बिबो गावनि जिउनि आपडेटफोरखौ सशेल मिडियायाव फोसावबाय थायो। गावनि नुथायनि सावगाफिरफोरखौ पस्ट खालामनायजों लोगोसे बिथाड बे साड़ीजों सोमोन्दे गोनां फोरमायथिखौबो

## करन जहरआ भेलेन्टाइन डेआव मोन 6 नंगुवै मोजां मोनलायनाय

### सल'फोरजों फेन्सफोरनि गोसोखौ जै खालामनो नाजागोन

फेब्रुवारिखौ अनलायनायनि दान बुंनाय जायो। भेलेन्टाइन सप्ताहआबो सोलिफु दानावनो जागायनो थांगासिनो। भेलेन्टाइन सप्ताहखौ बलिउडआवबो फालिनाय जायो। गोबां सावथुनफोरा भेलेन्टाइन सप्ताहआव रिलिजनि थाखाय थियादि। बे समावनो करण जहरआ गावनि फैनो गोनां सिरिजखौ भेलेन्टाइन सप्ताह जागायनायनि सानसे सिगां फोसावदों। करण जौहरनि बे फारिआ नंगुबै जिउनि मोजां मोनलायनाय सल'फोर दिन्थिनो थांगासिनो आरो बेनि रिलिजआबो भेलेन्टाइन डेआव जाहैगोन। बलिउडनि दिहुनिगिरि-दिथागिरि करण जहरआ मोनसे गोदान स्ट्रीमिंग मावथांखि 'लाभ स्टरीज' लाबोगासिनो दं। बे फारिआ नंगुबै सुबुफोरनि सल'फोर खिन्थागोन, जाय बायदि रोखोमनि बिथानिफ्राय फैयो आरो मोजां मोनलायनायखौ नागिरनो दावबायनायाव जेनाजों मोगा-मोगि जायो। फैबाय थानाय फारिआव अक्षय इंडिकर, अर्चना फडके, कलिन डी'कुन्हा, हार्दिक मेहता, शाजिया इकबाल आरो भिबेक सनी फाव खालामनाय मोन 6 नंगुबै जिउनि मोजां मोनलायनाय सल'फोर थागोन। लाभ स्टरीजआ समाजारि बिजों सुबु समाजनि 'इन्डिया लाभ प्रजेक्ट' आखुथाय 'रिएल लाइफ लाभ स्टरीज' नि सायाव बिथा खालामजानाय। फारिनि सोमोन्दे रायज्जायनायाव, करण जौहरआ बुंदोंमोनदि, 'लाभ स्टरीज'आ मोजां मोनलायनायखौ गावनि गासैबो महराव नुयो, जाय सरसनस्त्रानिफ्राय गोजानाव सोमोन्दि मोनसे समायना सावगाफिर



दिन्थियो। सासे सावथुन दिहुनिगिरि महरै थानाय माखासे बोसोरफोराव गोबां मोजां मोनलायनाय सल'फोर खिन्थानो खाबु मोन्दों, जाय भारतरि सावथुननि रोखोमनो बेखेवना होयो। मख'नो गोनांदि, इन्डिया लाभ प्रजेक्टनि बागै आंखौ जाय बाश्राया गोहोम खोख्लैदोंमोन बेयो जादों बिसोर साफ्रमनिबो सैथो आरो सैथोथि। 'बेफोर गुबुन-गुबुन बिथिनि नंगुबै सुबुफोरनि सल'फोर, जायफोरा थार मोजां मोन्नायखौ नागिरनो थाखाय दावबायनायाव जेनाफोर आरो नाजाथाबनायजों मोगा-मोगि जानांदों। नायगिरिफोरनि सिगाडव नंगुबै सुबुफोरनि नंगुबै सल'फोरखौ लाबोनायनि फारसे बेयो जौनि गिबि आगान आरो बे फारिआ भारत आरो मुलुगनांजैनो गोजानसिम नायगिरिफोरसिम सौहैनो हागोन। 'लाभ स्टरीज'आ 14 फेब्रुवारियाव प्राइम भिडिआव स्ट्रीम जागोन।

## ह्यबेयर मेरिया बलुचिस्तानफोरखौ पाकिस्ताननि बिसायख 'थियाव बाहागो लानाडा होन्ना खावलायदों

इउके, 7 फेब्रुवारी : उदासिखौ मदत खालामग्रा बलुच दैदेनगिरि आरो प्रि बलुचिस्तान सोमावसारनायनि आफादगिरि ह्यबेयर मेरिया बलुच सुबुफोरखौ 8 फेब्रुवारीयाव जानो गोनां पाकिस्ताननि बिसायख 'थियाव बाहागो लानाडा होन्ना खावलायदों। बिथाडा बोसोन होदोंदि, पाकिस्ताननि बिसायख 'थिजों पाकिस्तान राजखान्थियारि दैदेनगिरिफोरखौ' मुलाम्फा जायो आरो बलुच सुबुफोरनि जिगा आरो मोन्थाइफोरखौ उन खालामग्रा गहायै पान्जाबनिल' बाहागो लायो। बिथाडा भटनिक्राय जानगराव थानायनि सायाव गोनांथि होनायै बुडोदि, बियो मुलुगनो पाकिस्ताननि बे'खनआव थानाय बलुच



फोलेरनि सिनायथिनि थाखाय दाबि दिखानायखौ दिन्थिगोन। बेनि अनगायै बिथाडा बलुच सुबुफोरनि बाहागो लानायनि फिथाइफोरखौ फोरमायना सांग्रांथि होयोदि, पाकिस्तानआ बिसोरखौ बलुच दावहानि हेंथायै बाहायगोन। बलुचिस्ताननि

मिथिंगायारि सोदांनयफोरखौ दबथाइनो आरो लुथिनायखौ आइनारि खालामनो हागौ आरो बलुचिस्तानआव बुथारनाय आरो जर-जुलुमै खोमानायजों लोगोसे बलुच सुबुफोरनि हेंथायै पाकिस्तान राइज्योनि इनाइ अनागारफोरखौबो आइनारि

खालामनो हागौ। बिथाडा बुंवावदों, जों मुलुगनो फोस्मायनो हायोदि, बलुचफोरहा पाकिस्ताननि बिसायख 'थिजों जेबो सोमोन्दो गैया। मानोना पाकिस्तानआ दरसे दखल खालामना लाग्रा हादत आरो बिसोर आइन बेरेखायै बलुचिस्ताननि सायाव दखल खालामना लादों। जोंनि बिबानगिरिफोरखौ रैखा खालामनो आरो गावनि उदासिखौ मोनफुंनो थाखाय पाकिस्ताननि बिसायख 'थियाव बाहागो लायैया मोनसे ओरैबायदि थांखि, जाय जोंखौ देरहासारनायनि फारसे लानानै थांगोन। नोंथांमोननि बिसायख 'थिनिफ्राय जानगराव थानाया सासे बलुच मावसुमानि जिउ बाउनयजों समान, जाय पाकिस्ताननि गात्रि आखुनि हेंथायै बलुचिस्तानखौ रैखा खालामगोन होन्ना बिथां मेरिया खावलायदों।

## दावहा दोन्थ'नायखौ लानानै कातारआ दरनै हादतफोरनि गेजेराव थादों



दहा, 7 फेब्रुवारी : इब्राइल आरो हामासनि गेजेराव अरायथा नडै महरै दावहा दोन्थ'नो थाखाय आरोबाव खेबसे सावरायगसिनो दड। दावहा दोन्थ'नायखौ लानानै कातारआ दरनै हादतफोरनि गेजेराव थादों। कातारआ थानाय मंगलबारखालि बेनि सोमोन्दै बुंदोंदि, हामासआ दावहा दोन्थ'नाय थांखिनि सायाव पजिटिभ फिनजाथाइ होदों। बे समाव आमेरिकानि गुबुन हादतयारि मन्थ्रि एन्टिनय' बिलंकनआ लैथोमायारि हादतफोरव दावबायनानै दहैयो। गाजायाव अरायथा महरै दावहा दोन्थ'नो थाखाय आमेरिकाया रादाय खानो नाजानायाव नांथाबदों। कातारनि गहाइ मन्थ्रि महम्मद बिन अब्दुल रेहेमान अल थानिया दहायाव

आमेरिकानि राइज्योआरि सेक्रेटारि एन्टिनय' बिलंकनजों लोगो हमानयनि उनाव खौरंगिरिफोरनि सिगाडव बुडोदि, जों जोबथेना ल। फिजानाय फोरनि सोमोन्दोआव रादायखौ सरासन्ना खालामनायनि सोमोन्दैयै हामासनिफ्राय फिन्नाय मोनबाय। बे फिन्नायाव माखासे बिबुंथिफोर दंफायो। नाथाय सरासन्ना महरै बेयो पजिटिभ। बेनि गेजेरजों थानाय मंगलबारखालि गाजानि खोला सहर खान इडनिसआव इब्राइलनि उरां जाहाजजों गाग्लोबनायाव खमैब्लाबो सा 14 फिलिस्ताइनफोरनि जिउ गोमादों। बेबायदिनो इब्राइलनि गाग्लोबनायाव दासिमाव थैनायफोरनि गासै फिलिस्ताइनफोरनि अन्जिमाया

बानानै सा 27,585 जाहैबाय। बेरफारसे इब्राइलआ थानाय 24 घन्टानि गेजेराव गासै गाजायाव हाथियारफोरजों लेस जानाय गोबां फिलिस्ताइनफोरखौ गावथारदों होन्ना दाबि दैखादों। इब्राइल सान्थ्रि हान्जाफोरनि नोजेराव दासान्दि, खान इडनिस आरो बिनि खाथियाव थानाय न' गैजायै फिलिस्ताइनफोरा दड। आमेरिकानि गुबुन हादतयारि बिफाननि बुंथिगिरि मेथ्यु मिलरआ मंगलबारखालि बुडोदि, रियादआव सौदि आर'बिन क्राउन फ्रिन्स महम्मद बिन सलमान अल सऊद आरो आमेरिकानि गुबुन हादतयारि मन्थ्रिया ओन्सोलाव गोजोननि थाखाय लानाय थांखिफोरनि सायाव सावरायदों। बेयाव अरायथा महरै दावहा दोन्थ'नाय जोबथेना लाखिजानायफोरखौ हगासनाय आरो सुबुंथियारि मदत होनाया दंफायो। बेनि उनाव बिथाडा मिश्र सौहैयो। जेराव बिथाडा हादतगिरि अब्देल फतह अल-सिसिजों सावरायनायखौ जागायो। मिश्रनि उनाव बिथाडा कातार आरो इब्राइलआव थांगोन होन्ना सुलुडव फोरमायदों।

## जन अब्राहमआ 'वेदा' आव एक्शन अवतारआव फाव खालामगोन

फावखुंगुर जन अब्राहमआ सावथुन 'पाठान'आव गोखों महराव नुजादोंमोन आरो बेनि थाखाय जोबोद बाख्नायजादोंमोन। हास्थायगिरिफोरा बिथांखौ मोनसे एक्शन अवतारआव नायनो मोजां मोनो। अनसायगिरिफोरा आथिखालाव गावसोरनि फैगौ सावथुनफोरखौ नेगासिनो दं। फिन खेबसेबाव बिथांनि गोखों देहा, गोखों स्टान्टफोर आरो एक्शनखौ नायनो थाखाय अनसायगिरिफोरनि गोसो गुदुं जानाया बांगसिनो दं। बे समावनो, बलिउडनि फावखुंगुर जन अब्राहमआ बुधबारखालि गावनि अनसायगिरिफोरखौ सोमोनाहोंदों, जाय अनसायगिरिफोरखौ बांसिन गोसो गैयै खालामगोन। बिथाडा गावनि फैनोगोनां एक्शन सावथुन 'वेदा' नि गिबि नुथाय पस्टर फोसावदों। फावखुंगुरआ 2019 माइथायाव 'बाटला हाउस' नि उनाव नैथि खेबनि थाखाय दिथागिरि निखिल आडवाणीजों आखाय हमलायदों। बे सावथुनखौ जि स्टुडिय नि बेनारनि सिडव दिहुनाय जादों। सावथुननि गिबि नुथाय पस्टरजों लोगोसे जनआ 'वेदा' नि रिलिजनि अक्टखौबो फोसावदोंमोन, जाय 12 जुलाइ, 2024 जाहैगोन। बे पस्टरखौ फोसावनानै गावनि इंस्टाग्राम एकाउन्टआव लिरदोंदि, बिथांनो जिउ रैखा खालामग्रानि गोनांथि दं। बियो मोनसे हाथियार मोनदोंमोन, बे पस्टराव जनखौ आखाइयाव खंजर लानाय नुनो मोननाय जादों। बे समावनो, सासे हिन्जावसाखौ बिसोरनि उनथिं थाखोमानाय नुनो मोनो। बे पस्टरखौ नुनायनि उनाव, सोंथि सोमजियोदि, जनआ सोरखो बासायनो थियारि खालामग्रासिनो, थामहनबा निखिल आडवाणीनि सावथुनाव गहाइ आइजोआ सोर? बे सोंथिनि फिन्नायखौ जों नोंथांनो खोन्थायो। बेयो रावबो नड नाथाय 'बंटी और बबली 2' नि फावखुंगुरि शर्वरी वाघ। सावथुनाव अभिषेक बेनार्जीआबो मोनसे गोनां फावआव थांगोन। बे पस्टरनि अनगायैबो, जन अब्राहमआ आरोबाव मोनसे पस्टर शेरार खालामदों, जेराव बिथांखौ उननिक्राय नुनो मोन्नाय जादों। बिथांनि फाफिलयाव गंसे राइफल आरो जोखोम जानाय आखाइयाव गंसे सिलाइ दं। सावथुननि रिलिजनि अक्टखौ बे पस्टरआव लिरनाय जादों। केषनआव जनआ लिरदोंदि, एक्शननिक्राय फैसालि लानो थियारि जा। बे पस्टरआव गुबुन मोनसे सावगाारि दं, जेराव शर्वरीखौ फिन दिन्थिनाय नुनो मोन्दों। बिथांनि आखाइयाव गंसे पिस्टरबो दं। जन अब्राहमखौ जोबथा खेब शाहरुख खाननि सावथुनाव भिलेन महरै नुनो मोननाय जादोंमोन। बिथाडा सावथुन 'पाठान' आव जोबोद मोजां मोनजादोंमोन। बेनि अनगायैबो शर्वरीखौ जोबथा बोसोर 2021 माइथायाव 'बंटी बबली 2' आव नुनो मोननाय जादोंमोन। आथिखालाव सानैनिबो जराखौ वेदा' आव सोमोनांथाव खालामनाय नुनो मोनगोन।



## बिसायख 'थिनि थाखाय पाकिस्ताना थियारि जाबाय, 8 फेब्रुवारीयाव भट होनाय जागोन

इस्तानबुल, 7 फेब्रुवारी: पाकिस्तानाव 8 फेब्रुवारीयाव सरासनन्ना बिसायख 'थि जागोन। बेलट पेपारफोरा सेबखांजाबाय आरो बेनि थाखाय थियारि जाबाय। जरखा बाश्राया बेनोदि, बिसायख 'थि आयगजों होजानाय बिसायख 'थिनि नेरसोनफोरा ओरैबादि सोमोनांथावदि, बिसोर बेखौ मिथिनायै गोमोगोन। गोबां बिजाथिफोराबो बे बिसायख 'थि नेरसोनफोरखौ हेंथा होदों। मुलुगनिक्राय 8 फेब्रुवारियाव बिसायख 'थिनि सायाव नोजोर होगासिनो। बे बिसायख 'थियाव जाय खेबथाम गहाइ मन्थ्रि जाखानाय नवाज शरीफआ गहाइ मन्थ्रि मासिनि बादायलायनायाव दं। बेजों लोगोसे, बिलावल भुट्ट, जाय शहबाज सोरकाराव बायजोआरि मन्थ्रिमोन, बिबो गहाइ मन्थ्रि मासिनि थाखाय जुजिगासिनो दं। 8 फेब्रुवारियाव जानो गोनां सरासनन्ना बिसायख 'थियाव बिजाथिफोरा मबाइल फन चार्जर, सिम कार्ड, गार्डनि गारि, जुथा आरो रोखोमसे बिसायख 'थि नेरसोनफोर लानानै राइजो-राजानि खाथियाव थादों। गोबां बिसायख 'थिनि नेरसोनफोर दं, जायखौ मोननो थाखाय गोबां बिजाथिफोरा गो-गोधो जायो। परतआव 'बथल' सोदोबखौ सासे मुख सुबुंनि थाखाय बाहायनाय जायो आरो



सासे बिनायसाया 'बथल' बिसायख 'थिनि नेरसोन मोन्नो हायो। बारग' गहाइ मन्थ्रि इमरान खाननि मददगिरि आमिर मुगलआ बैगननि बिसायख 'थिनि नेरसोन मोन्नो हादों। सासे बिनायसाया 'बथल' बिसायख 'थिनि नेरसोन मोन्नो हादों। बिजाथिफोरो जुथा, वाश बेसिन, टंग, केज, नेल काटार, मबाइल फन चार्जर, सिम कार्ड, स्क', सामुस, तावा, शटलक बायदि बिसायख 'थिनि नेरसोनफोरबो होनाय जादों। बे बिजाथिफोरा अजद होयोदि, बिसायख 'थि आयगा गोसो जानानै बिथांमोननो लाजिनांथाव आरो सोमोनांथाव बिसायख 'थिनि नेरसोन होदों। इमरान खाननि दोलो पाकिस्तान तहरीक-ए-इंसाफ (पीटीआइ) नि बिसायख 'थि नेरसोनखौ बोखारनायनि उनाव दान्थे-बिदान्थेया जागायजेदों। थानाय दानाव बिथांनि दोलो पाकिस्तान तहरीक-ए-इंसाफ (पीटीआइ) बिएटीनि बिसायख 'थि नेरसोनखौबो बिथांनिक्राय

खालामदोंमोन। पाकिस्तानाव भट होनो थाखाय 260 मिलियन बेलट पेपारफोर सेबखांनय जादों। बेनि गासै लिरथाया फ्राय 2100 टन। गासै 22 कौटि सुबुं अनजिमानि गेजेराव 12.69 कौटि भट होग्राफोरा गोदान सोरकारखौ सायख 'गोन। नवाज शरीफ, बिलावल भुट्ट आरो इमरान खानआ पाकिस्ताननि साथाम बयनिखुइबो गोनांसिन फिरफिला लागिरि। इमरान खानआ जोबथे सालियाव थादों। आथिखालाव नवाज आरो बिलावलआ थालांबाय। बेबादि थासारियाव नवाज शरीफनि दोलो पाकिस्तान मुस्लिम लीग-नवाज, बारग' गहाइ मन्थ्रि इमरान खाननि दोलो पाकिस्तान तहरीक-ए-इंसाफ (पीटीआइ) आरो बिलावल भुट्टनि पाकिस्तान पार्टी पिपुल्स पार्टी। बे मोनथाम दोलोनि बिजाथिफोरनि गेजेराव दावहा जागोन।

## आमेरिकायाव समनि सिगां गथ 'फोरनि जोनोम जागासिनो



वाशिंटन, 7 फेब्रुवारी: आमेरिकायाव गथ 'फोरनि जोनोमखौ लानानै मोनसे सोमोनांथाव थासारि सोमजिदों। डक्टरफोराबो बेनि जाहोनखौ बुजिनो मोनाखै। गुबैयै आमेरिकायाव थिखानाय समनि 3 सप्ताह सिगां गथ 'फोरनि जोनोम जागासिनो। बे बिथिडव सिडिसि बिजिरसनायखौ फोसावनाय जादों। बे बिजिरसनायनि रिपर्टनि बायदिब्ला, आमेरिकायाव 40 सप्ताहनि गोर्बोआव थानायनि समआ 37 सप्ताहसिम बाडइ जाबाय। सोमोनांथाव बाश्राया बेनोदि, डक्टरफोराबो गावनो बेबादि जानायनि जाहोनखौ नागिरना दिहुननो हायाखै। 2014 माइथायनि रुजुनायाव 2014 आरो 2022 माइथायनि गेजेराव सम जायै जोनोम जानायनि हारआ 12 जौखोन्दो बादों। बेनि जाहोनाव गथ 'सा आरो बिमा सानैबो देहायारि जेंनाजों मोगा-मोगि जागासिनो दं। सम जायै जोनोम जागोदान गथ'आ सन्देरनाय, हां लानाय आरो उदैन जेंनाजों मोगा-मोगि जानादों। रिपर्टनि बायदिब्ला, गुफुर आइजोफोरनिखुइ गोसोम आरो हिस्पैनिक आइजोफोरनि गेजेराव समनि सिगां जोनोम जानायनि बे हारआ बांसिन। एखे समावनो जाय आइजोफोरा बैसो जायो। बिसोरनि गथ 'जोनोम होनायनि समा बाडइ जाबाय। वाशिंटन इन्स्टिटुट फर हेल्थ मेट्रिक्स एन्ड इभालुयेसननि बायदिब्ला, 1 बोसोरआव 15 निफ्राय 19 बोसोर बैसो हान्जानि जोनोमनि हारआ 8 जौखोन्दो बाडइ जाबाय। 1991 माइथायनिक्राय बेयो लासै-लासै गहायाव फैगासिनो दं। एखे समावनो, एसियान-आमेरिकान आइजोफोरनि जोनोम हारआ 8 जौखोन्दो, हिस्पैनिक 3 जौखोन्दो आरो गुफुर आइजोफोरनि जोनोमनि हारआ 6 जौखोन्दो खमायदों। बे समावनो सिजेरियन देलिभारिआ 32 जौखोन्दो बादों। थानाय बोसोराव जुथाइ राइज्यो आमेरिकायाव फ्राय 3.6 मिलियन गथ 'फोरनि जोनोम जादोंमोन। 2019 माइथायाव बेयो 38 लाखसो मोन। 2007 मायथाइयाव बे अनजिमाया 43 मिलियनसोमोन, जेराव आमेरिकायाव गथ 'फोरनि जोनोम 3 सप्ताह सिगां जागासिनो दं। बेराफारसेथिं, चीन आरो सा करियाआ गुबुन गुबुन जेंनाफोर दं, बेवहाय सरकारआ गथ 'फोरनि जोनोम जानायनि एसेल' अनजिमाखौ लानानै दुंहाव जानानै दं। चीननि हादरगिरि शी जिनपिंआ गावनो राइज्यो-राजाजों जुलि लानाय आरो गोबां गथ 'फोर जोनोम होनायनि बाश्रा बुंदोंमोन।

## अलास्का एयारलाइन्स प्लेननि दर्जा उरायनाय जाथायनि रिपर्टआ नुजाथिबाय

वाशिंटन, 7 फेब्रुवारी : अलास्का एयारलाइन्सनि बड 737-9 मेक्स उरां जाहाजनि दर्जाया थानाय 5 जानुवारीयाव हरखाबै बायनानै बाराव उरायदोंमोन। सा 171 दावबायारिफोरखौ लानानै बे उरां जाहाजआ केलिफोर्निया थांगासिनो दडमोन। बे समाव उरां जाहाजखौ पर्टलेन्डआव इमार्जेन्स लेनिडं खालामनादोंमोन। आमेरिकानि नायबिजिरगिरिफोरनि मोनसे रिपर्टनि बायदिब्ला बे जाथाया माबोरै जाया बेखौ लानानै गिबि मावख 'यारि खौरां मोन्दों। नायबिजिरगिरिफोर फोस्मायनाय बायदिब्ला बड 737-9 जेटनि दर्जानि पेनेलआव लागयनाय मोनबै बर्लडआ गोमादोंमोन। आमेरिकानि पेडारेल एबिएसन एडमिनिस्ट्रेशन (एफएए) आ बे जाथायनि उनाव बड 737-9 मेक्स उरां जाहाजफोरनि मादाव गं 171 उरां जाहाजफोरखौ नायबिजिरसो थाखाय होबथाना लाखिदोंमोन। जायफोरनि गेजेराव बांसिनआनो आमेरिकानि इनाइटेड एयारलाइन्स आरो



अलास्का एयारलाइन्सनि गेजेरजों सालायनाय उरां जाहाजफोरमोन। बे गासै उरां जाहाजफोरखौ जानुवारी जोबनायाव सिबिथाइयाव थांफिन्तो थाखाय गनायथि होदों आरो आथिखालाव गासैबो बिरफिनगासिनो दड। बडनि सिइअ डेव केलहौनआ मोनसे बिबुंथियाव बुंदोंदि, जोबथारनायाव जेखि फिथाइ ओंखार मानो जों बेनि दायखौ लागोन। जाय जाथाइ जादों बेनि थाखाय बडंआ फिन्नाय होदों। जोंनि गंसेबो उरां जाहाजजों लोगोसे बेबायदि जाथाया जानाडमोन। जों गासै बाहायगिरि आरो बिसोरनि जोंजों लोगोसे जानो गोनां गासै

दावबायनायखौ साबसिन खालामनांमोन। थानाय मंगलबारखालि फोसावनाय आमेरिकानि माहारियारि हान्था-मेला रैखाथि बड (एनटिएसबि) नि रिपर्टआ बे बाश्रानि सायाव मिरु खालामोदि, माबोरै जौगाखांजों लोगोसे बे मेक्स 9 मडेलआव फिट खालामनाय पेनेलआ उरां जाहाजनिफ्राय माबोरै आलादा जानो हागौ। अदेबांनि प्ले गखौ गंबै भल्टुफोरजों मारिनाय जायो। बेनि उनाव प्लेग आरो दर्जानि प्रेमनि रुगुंआव मोन 12 आलादा आलादा जायगाफोरव स्टेप फिटिसनि गेजेरजों रैखाथि गोनां खालामनाय जायो।

## साननैसो सिगां डिएसपि जानाय भारतीय हकी गेलेगिरिआ जेंनायाव गोग्लैदों

गोदान दिल्ली, 7 फेब्रुवारी: भारतीय हकी हान्जानि डिफेन्डर भरुन कुमारनि सायाव सासे उन्दै गथ 'साखौ जिनाहारि खालामनायनि दाय जाबसिन्दों। भुगिनांनय आइजोआ जान भारती पुलिस थानायाव बिथांनि हेंथायै पक्स' आइनि सिडव गसर थिसिन्दों। भरुननि सायाव हाबानि मुडव उन्दै गथ 'साखौ गोबां खेब जिनाहारि खालामनायनि दाय होदों। गसर थिसिन्नाय आइजोआ फोरमायनाय बादिब्ला, 2019



आव भरुनखौ लोगो मोन्दोंमोन अब्ला बे समाव गावनि बैसोआ 17 बोसोरमोन। बै समाव भरुनआ साइआव फोरोंथाय लागसिनो दडमोन। अजदनि

उनाव पुलिसआ झलन्धरआव भरुननि न'आव सिग्रोमनाय हाबाफारि लादों। भरुनआ गुबैयै हिमाचल प्रदेशनि नाथाय गावनि केरियारनि थाखाय

टीमआव जागायदोंमोन। बिथाडा फोरमायनाय बादिब्ला, भरुनआ 2022 आव कमनवेल्थ गेम्सआव मोनसे रफानि मेडेल देरहादों। 2020 आव भारतनि टकिय अलिम्पिक गेम्सआव ब्रन्ज मेडेल देरहायनायावबो बिथाडा बाहागोआव दडमोन। भरुनआ साननैसो सिगां पान्जाबनि गिबि मन्थ्रि भगवत् सिंहनिक्राय डिएसपिनि थिसन्थाय बिलाइ मोन्दोंमोन। नाथाय बे समाव बिथांनि हेंथायै अजदफोरनि सायाव बिफा ब्रह्मनन्दआ मोनबो मिथियाखौमोन।

## टी-20 लीगआ इन्टारनेसनेल क्रिकेटनि थाखाय खैफोद गोनां जानानै फैदों

गोदान दिल्ली, 7 फेब्रुवारी: खोला आफ्रिकानि क्रिकेट हान्जाया आथिखालाव निउजिलेण्डसिम दावबायनाय अभियानआव दहैयो। मोननैबो हान्जानि गेजेराव खेबनै मेचनि टेस्ट सिरिज गेलेनाय जायो। जायनि गिबि मेचआ माउन्ट मनुगानाइआव जानानै थाडे। बे मेचआव खोला आफ्रिकानि हान्जाया मिर्जिथिनि बाइजोआव दिन्थिफुंदों। जायनि जाउनाव आफ्रिकानि हान्जाया निउजिलेण्डनि आखाइयाव 281 रान स्करआव जेन्नाडे। बे जेन्यायनि जाहोनखौ गोबाडनो टी-20 लीगनि सायाव दाय होनो सानो। बे मेचआव खोला आफ्रिकानि गात्रियै दिन्थिफुनायनि जाहोनआ एसए-20 लीगआ जानानै फैदों। मानोना बे लीगआ आथिखालाव खोला आफ्रिकायाव खुंजागासिनो दड। मानोना लीगआव मुखुब



थानाय गेलेगिरिफोरनि थाखाय खोला आफ्रिकानि हान्जाया निउजिलेण्डसिम दावबायनायाव मोनसे लोरबां हान्जा देथायहरनो थिरांथा लानांदांमोन। बेनिनो फिथाइ महरै निउजिलेण्डनि हेंथायै सिरिजआव गात्रियै जेन्नाडे। दावबायनाय सिरिजनि गिबि

टेस्टआव सा 6 गेलेगिरिफोरखौ रंगथि गैयाब्लाबो टीमनि फारिआव जायगा होनांदों। मानोना बिसोर गेलेगिरिफोरा बेनि सिगां खेबसेबो हारिमायारि थाखोन मेच गेलेनो मोनफे राखें मोन। बे मेचआव निउजिलेण्डआ गिबियै बेटिं खालामनानै गावसोरनि गिबि

इनिंसआव 511 रान बानायदोंमोन। बेनि उनाव निउजिलेण्डनि बलारफोरा सोमोनांथावै दिन्थिफुनायै गिबि इनिंसआव आफ्रिकानि हान्जाखौ 162 रानल' आजिहोदोंमोन। बे समावो निउजिलेण्डआ गावसोरनि नैथि इनिंसखौ 4 उइकेट खोमानांनै

179 रान लानाय फोसावदों। बेनि फिन्नायाव खोला आफ्रिकानि हान्जाया जोबथा इनिंसआव 247 रानल' लानानै मेचखौ 281 स्करआव जेन्नाडे। मेचनि समाव केन उइलियामसन आरो रसिन रबिन्द्र आ गोखोडै दिन्थिफुंदोंमोन। रबिन्द्रआ मेचनि गिबि इनिंसआव 366 बलआव 240 रान लादोंमोन। बे समाव बिथाड खेब 26 ब्रै आरो खेबथाम 6 रान लादोंमोन। बेयो रसिननि टेस्टआव गिबियै 100 राननि सिमनाखौ बारजेन्नाय आरो बेखौ बिथाड डबल सेन्सुरिआव सोलायनो हादों। बे समावो निउजिलेण्डनि के प्तेन उइलियामसनआ खेबनैबो इनिंसआव सेन्सुरि लादों। बिथाड गिबि इनिंसआव 289 बलआव 118 रान आरो नैथि इनिंसआव 132 बलआव 109 रान लादों।

## वर्ल्ड टेस्ट सेम्पियनसिपनि पइन्टनि फारिलाइआव सोलाय-सोल' जानानै फैदों

गोदान दिल्ली, 7 फेब्रुवारी: वर्ल्ड टेस्ट सेम्पियनसिप 2023 नि फाइनालआव सौहेनायनि थाखाय मोन 9 हान्जाफोरनि गेजेराव सेलेन्जआ सोलिगासिनो दड। डब्लिउटिसि फाइनालनि सिगांनो पइन्टनि फारिलाइनि जौसिन मोननै हान्जाफोरा फाइनालाव थांनो खाबु मोन्दों। बे समावो भारतनि हान्जाया डब्लिउटिसिनि पइन्टनि फारिआव दावखलायदों। भारतीय हान्जाया साननैसो सिगां इलेण्डनि हेंथायै टेस्ट मेचखौ देरहानानै नैथि मासिआव सौहैदोंब्लाबो फिन खेबसेबाव टप-2 निफ्राय दावखलायनानै फैयो आरो गोदान हान्जाया भारतनि जायगाखौ लायो। आथिखालाव टेस्ट सिरिजआ निउजिलेण्ड आरो खोला आफ्रिकानि गेजेराव जागासिनो दड। निउजिलेण्डनि हान्जाया बे



सिरिजनि गिबि मेचखौ 281 रानजों देरहादों। बे मेचआव देरहानायजोंनो निउजिलेण्ड हान्जाया पइन्टनि फारिआव गिबियाव सेथि मासिआव सौहेबाय। जायनि जाउनाव भारतीय टीम आरो अस्ट्रेलियानि हान्जाया मोगा-मोगि जानाडे। भारतीय हान्जाया दायो नैथि थावनिनिफ्राय थामथिआव आरो अस्ट्रेलियाआ गिबि थावनिनिफ्राय नैथि

थावनिआव दावखलायनानै फैयो। निउजिलेण्डनि हान्जाया गिबि खेब जौसिन मासिआव सौहैदों। जाउनाव टीमआ गावसोरनि बे रेंकिंखौ गोलाव सम लाखिनो नाजादों। बे सिरिजआव निउजिलेण्डनि हान्जाया गासै खेबथाम मेचफोर गेलेनायाव खेबनैआव देरहादों आरो गुबुन खेबसेआव जेन्नादों। बे समाव हान्जाया 66.66 पिटिसि पइन्टजों गिबि थावनिआव जायगा मोन्दों। गिबि डब्लिउटिसि फाइनालनि सेम्पियन हान्जा निउजिलेण्डआ बे सिरिजखौ मोजाडै गेलेनायजों जागायदोंमोन। भारतनि हान्जाया आथिखालाव इलेण्डनि हेंथायै नख'यारि फोथारावनो टेस्ट सिरिज गेलेगासिनो दड। जायनि गिबि मेचआव इलेण्डआ भारतखौ फेजेन्दों। अब्लाबो नैथि मेचखौ भारतआ देरहाफिन्दों। सोलिफु समाव भारतआ डब्लिउटिसि पइन्टनि फारिआव खेब 6 मेचफोराव खेबथाम देरहानाय, खेबनै जेन्नाय आरो खेबसे समान गेलेनायजों थामथि मासिआव जायगा मोनो। बे समाव टीमनि स्करआव 52.77 पिटिसि पइन्टआव थाहैयो। अस्ट्रेलियाआ 55 पिटिसि पइन्टजों भारतनि जौसिन नैथि मासिआव दड।

## इपिएलआव ब्रेन्टफर्डखौ फेजेन्नानै मन्चेस्टरआ नैथि मासिआव

मन्चेस्टर, 7 फेब्रुवारी: भारतआव 2017 आव जालांनय आन्डार-17 फिफा वर्ल्ड कापआव इलेण्डनि देरहानायव बिहोमा होनाय फिल फडेननि हेट्रिक गल सोनायनि मददजों मन्चेस्टर सिटिआ इलिस प्रिमियर लीगआव ब्रेन्टफर्डखौ 3-1 गल स्करआव फेजेन्दों। बे गल स्करिआ फडेननि केरियारनि नैथि हेट्रिक। सिटिनि हान्जाया गिबियाव उन जानायनि उनाव आवगायफिन्नानै मेचआव देरहादों। लोगोसे बे देरहानायजोंनो टीमनि बिमुं देरहानायनि सिमांखौ गोथाडै लाखिदों। बे देरहानायजों सिटिनि हान्जाया पइन्टनि फारिलाइआव नैथि थावनिआव सौहैबाय। आसैनेल आरो लिभारपुलनि मुडव 49-49 पइन्ट दड। नाथाय सिटिआ खेबसे मेच



बाडाइ गेलेनायनि जाउनाव बिसोरनि गल स्करिनि सानजेरआबो आसैनेलनिफ्राय साबसिनआव थाहैयो। लिभारपुल आरो जौसिनआव जायगा मोन्याय हान्जाया सिटिनिफ्राय मोननै पइन्टनि फारागाथिआवल' आवगायनानै दड। फडेननि हेट्रिक आ थारैनो मेचआव चुनियामोन। मानोना बिथाड

गलनि मेसिन मुंजों मिथिजानाय एलि हालेन आरो केभिन डि ब्रुइनिनुजाथिनायावनो बे गल स्करिखौ लानो हादों। बे मेचआव 21 थि मिनिटआव निल मावपेआ गल सोनानै ब्रेन्टफर्डखौ सिगां होदोंमोन। गिबि हाफनि थाम'नाय समाव फडेनआ सिटिखौ समानाव लाबोफिन्नायनि थाखाय ब्रेन्टफर्डनि गोरोथिनि सायाव खाबु

लादों। 53 थि मिनिटआव बिथाड गावनि हान्जाखौ 21 स्करआव आवगायहोनाय उनाव 70 थि मिनिटआव गावनि हेट्रिकखौ आबुं खालामदों। फडेनआ सिटिनि एकाडेमिनिफ्राय गाहाइ हान्जायाव हावदोंमोन। मेचनि उनाव बिथाड गावनि दिन्थिफुनायखौ सिटिनि साट'आव गावनि साबसिन दिन्थिफुनाय फोरमायदों। बिथाड दायो गासै बादायलायनायाव सिटिनि थाखाय 14 गल सोनो हाबाय। थांनय 27 डिसेम्बरनि उनाव इपिएलआव बेयो सिटिनि फारियै बाथि देरहानाय। हालेनआ 86 मिनिटसिम फोथारआव ओंखारदोंब्लाबो गल सोनो हायाखै। नाथाय बे समाव बिथाड फडेननि थामथि गलआव हेफाजव होनो हादों।

## भारतआ नेपालखौ फेजेन्नानै सैफ आन्डार-19 सेम्पियनसिपनि फाइनालाव

गोदान दिल्ली, 7 फेब्रुवारी: भारतनि गेलेगिरि नेहाआ गरुं गल सोनानै टीमनि देरहानायव गोबां बिहोमा होदों। बिथानि गल सोनायजोंनो भारतनि आइजो फुटबल हान्जाया गावसोरनि जोबथा लीग मेचआव नेपालखौ 4-0 गलआव फेजेन्नानै सैफ आन्डार-19 अमेन फुटबल सेम्पियनसिपनि फाइनालाव सौहैबाय। बादायनाय बे मेचनि गिबि हाफआ गल सोलायनो हायै स्करआव जोबनायनि उनाव नेहाआ मेचनि 54 थि आरो 80 थि मिनिटआव गल सोनानै भारतखौ 2-0 स्करआव आवगायहोजेनो। बेनि उनाव



सुलन्जना राउलआ 85 थि मिनिट आरो रेमरुत्पुइ कलनेआ 90<sup>+</sup> मिनिटआव गल सोनानै टीमनि स्करखौ नै फान खालामो। बृहस्पतिवारखालि जानो गोनां फाइनालआव भारतआ बिमुंनि थांखिजों सोलिफु सेम्पियन

बांलादेशनि सेलेन्जआव ओंखारगोन। भारतनि हान्जाया बेनि सिगां गावसोरनि गिबि मेचखौ भुटाननि हेंथायै 10-0 स्करआव देरहादोंमोन। नाथाय नैथि मेचआव बांलादेशजों 0-1 स्करआव जेन्नादोंमोन।



भारत बिसायख'थि आफाद

अन्नानै गोसो हो !

जर'खा सुंद' सोदांनय-2024  
मायथाइनि जोबथा  
बिसायख'थि फारिलाइखौ दिनै  
08-02-2024 आव फोसावबाय

नोंथानि मुंखौ नायगिरदो

- जिल्ला बिसायख'थि मावख'गिरि (DEO) नि मावख'आव
- ERO/बेखन (Circle) मावख'आव
- नोंथानि खाथिसिन भ'ट मिरुआव
- जोनि वेबसाइट [www.ceoassam.nic.in](http://www.ceoassam.nic.in) आव

गुवारै मिथिनो थाखाय नोंथानि बुथ थाखोनि  
मावख'गिरिनियाव (BLO) सुलाद ला

गाहाय बिसायख'थि  
मावख'गिरि, आसाम | ई-मेइल : [ceo\\_assam@eci.gov.in](mailto:ceo_assam@eci.gov.in)

भटार हेल्पलाइन एप्पनि  
जोहै डाउनलड खालामदो

[voters.eci.gov.in](http://voters.eci.gov.in)  
आव लग-इन खालामदो



GET IT ON  
Google Play



Download on the  
App Store

गाहाय बिसायख'थि मावख'गिरि, आसामजों फोसावजानाय

@ceoassam

@ceoassam

@ceo\_assam

Janasanyog/DF/2636/23/8-Feb-24